



# **Ilagakun Usuqisit**



A joint project of  
The Yupik Translation Committee  
and the  
Wycliffe Bible Translators  
Gambell, Alaska 99742  
© 1983, 1995-50, 1997-200, 2021-150

## **Ilagaatem Apellghi**

**Ukuni ilagaatni igaqngaat Sivuqaghmiit  
ilagaatengllaqiitlu mumighquqiitlu  
Laluramket ilagaatangitneng.**

**Ilatngaat ugpeqaqsuggaaghet mumighquqiit  
ayumiqulleghni 1900-meng 1910-mun.  
Kiyang ilagaatet ugpeqat igaqegkii,  
aapghusiqiit ugqeqlleghmeggneng  
Kiyaghneghmunllu Jesus Christ-amunllu.**

## INDEX

	Page
Aangepituten . . . . .	45
Aatghakun Jesus-em . . . . .	9
Aflengagkellgha Piniqelleghmikun . . . . .	36
Aghnegrmi Whani Tuununga Eipenun . . . . .	18
Aghtughyaghqaanghituten . . . . .	157
Allaaghlluwhaq Nangllegyullghha . . . . .	8
Allangughtaqnanganga . . . . .	82
Ataneghllak Yugulighistevut . . . . .	4
Ataneghput Tuqlughraghtuq . . . . .	59
Ataneq Allameng Aflengakaghtikut . . . . .	58
Ataneq Jesus . . . . .	86
Ataneq Jesus Christ Ellnginaaguten Tagitikaq . . . . .	79
Ataneq Maniguutunga . . . . .	129
Ataneq Tagiinga . . . . .	85
Atanghem Tunusii . . . . .	5
Atanqa Kiyaghneqa Usuqsugaqa . . . . .	80
Avangitkaq Alia Tumemeng . . . . .	49
Aveighasingwaaghpenasi . . . . .	54
Aviisaqan . . . . .	126
Ayaangaighii Ighsaquqa . . . . .	81
Ayumightaq Uyghak . . . . .	97

Christ Maketuq . . . . .	112
Christ-a Ilemngalghii Tunusaa Kiyaghnehem . . . . .	131
Doxology I: Usuqli Kiyaghneq. . . . .	1
Doxology 2: Usuqiteggu Kiyaghneq . . . . .	2
Elpenitaqunga . . . . .	51
Esghaghhu Penniigha Kiyaghnehem . . . . .	63
Igamsiqanaghaghmeng . . . . .	130
Igamsiqanaghahalek . . . . .	42
Igamsiqanaghllaggaghmeng . . . . .	78
Igamsiqayugtunga Liigikestekanganga . . . . .	34
Igamsiqayugvikamken Aneghnelighlunga. . . . .	119
Igamsiqayugvikamken Ataneq . . . . .	88
Ighaleqetaaq Kuukgutuq . . . . .	90
Igleghanguunga Kiyaghnehqun . . . . .	13
Iiaghaghneqigtinga . . . . .	15
Iiwleng Kiyaghtaquq . . . . .	43
Ilaakumtaaghlluwhaq Jesus . . . . .	48
Ilagaan Yughaq . . . . .	16
Ilagaghtek . . . . .	77
Isaiah 41:10. . . . .	121
Itagnaghtuq Taghneghamni . . . . .	61
Jesus Aatghen Piniqaqa . . . . .	50
Jesus Christ Piniqelleq . . . . .	11
Jesus Christ-a . . . . .	21

Jesus Iitghutanganeng Whangamnun . . . . .	122
Jesus Maketuq . . . . .	44
Jesus Pinighllagtuaq . . . . .	155
Jesus Tagiinga (Campbell) . . . . .	140
Jesus Tagiinga (Kulowiyi). . . . .	110
Jesus Tukfighisimaanga . . . . .	17
Jesus Ukiqnaaquq . . . . .	64
Jesus Ukiqumaaq . . . . .	134
Jesus Whaantuq . . . . .	145
Jesus Whanga Nekeggmelqa . . . . .	118
Jesus Whanga Tuumka . . . . .	32
Jesus Whanga Yugulighisteka (Booshu) . . . .	39
Jesus Whanga Yugulighisteka (Kingeekuk) . .	65
Jesus Whangkuta . . . . .	116
Jesus Whangkuta Ilavut . . . . .	123
Jesus-em Apeghiiqaqaa . . . . .	99
Jesus-em Kevgaanga . . . . .	23
Jesus-em Piinga . . . . .	92
Jesus Piniqaanga . . . . .	41
Jesus-em Qelpeghtekaqaa Tuma . . . . .	139
Jesus-em Quyastaqiainkut. . . . .	132
Jesus-em Tuqlughraghiinkut . . . . .	83
Jesus-em Tuqumataa Nunataghhaa Tamaghhaan . . . . .	52
Jesus-nginaghhaaguq Tuqlughyaghqaq . . . .	55
Jesus-nguuq Yugulighista . . . . .	53
John 3:16 . . . . .	95
John 14:6 — Jesus Piiq . . . . .	96

Katam Qagighllagestun . . . . .	20
Kayaalqiimaaq Jesus . . . . .	160
Kaay Jesus Igamsiqayugvikamken . . . . .	144
Kaay Piyugtunga . . . . .	19
Kiitiquetkaanga . . . . .	146
Kinangaawaqa Una Yuuk? . . . . .	60
Kiyaghneghem Piniqellgha . . . . .	93
Kiyaghneghem Ulimaaqiinkut Pagulangiighhaghmeng . . . . .	154
Kiyaghneghhiinaaguq . . . . .	67
KiyaghneghUamni . . . . .	22
Kiyaghneghmun Quulvalleq. . . . .	12
Kiyaghtaaq Jesus-mun . . . . .	69
 Maligsaghqaaguq . . . . .	159
 Nagaqughluku Yugulighista. . . . .	114
Nagaquumasteggu Pinilghii Ungipaq? . . . . .	142
Naten'ngam Esgaghnaqsiken? . . . . .	24
Natentuq Pinightutkaa Qilak? . . . . .	148
Neghyukamken . . . . .	102
Neghyukluku Jesus . . . . .	26
Nepugilnguq Unuk . . . . .	98
Nighuga Nunam Jesus . . . . .	40
Nighughquelleq Nighughquelleq Usuqnaghalek. . . . .	151
Nunam Teghigniusii . . . . .	71
Nunanimi Qantaghaqun. . . . .	30

Piniqamsi . . . . .	156
Piniqelleq Christ-a . . . . .	150
Piniqepigtaqa Jesus . . . . .	68
Piyukamken Tamaghhaani Hour-mi. . . . .	6
Piyukellghen Atughhu Ataneq . . . . .	153
Piyulghiit Taghnughhaghhaat. . . . .	47
Piyulgusighnaqaqa Christ . . . . .	117
<b>Qelpeghutikut Neqekragaaneng</b>	
Unguvallghem . . . . .	72
Qilagmi Usuqighllaget . . . . .	152
Quulvaghteggu Ataneq . . . . .	104
Quyali Tamaghhaa . . . . .	74
Quyalleq Nunamun . . . . .	75
Quyalunga Ilagaghtunga . . . . .	147
Quyanaghhalek Jesus Yugulighistevut . . . . .	100
Quyanalghii Ataneghpak . . . . .	106
Quyapigtunga. . . . .	28
<b>Riigtem Ilungani . . . . .</b>	<b>149</b>
Saghiighanaghaghmeng Kayusilleq . . . . .	141
Sangafsi Tuqlughingigatsi? . . . . .	128
Sangan Maaten? . . . . .	14
Sivuqami . . . . .	158
Taawa Ipa Avangituq Nunami Maani . . . . .	91
Taghneghak Agleghnalghiik Tuqlughagka. . . . .	56
Taghnughhaghhaq Allgeqaaguq. . . . .	137
Tagi, Tagiteklu . . . . .	108

Tagiinga Ataneq . . . . .	38
Tagilaghaatek Whangamnun . . . . .	89
Tagitek, Anglegutemni Tagitek . . . . .	136
Tagitek Ataasiighmelngughni . . . . .	37
Tagitek Ataneghpagllagmun . . . . .	113
Tagitek Jesus-mun . . . . .	125
Tagiyaghqaaguq . . . . .	111
Takukaqa Avangituq Qivghulleghmeng . . .	109
Tawansiin Qaquuraatgu Atanqa? . . . . .	135
Tuma Naalkenneghmeng Aghtughaqa. . . . .	46
Tumangan Qaquuram Aglaataanga . . . . .	124
Tuqluulteggu Ataneghput. . . . .	29
Tuunaghput Elpek Pin . . . . .	138
Ugpelqa Quulmun Elpenun Esghaghtuq. . . .	76
Ugpeqsaqumteggu . . . . .	10
Ungipamsukellghiinaghaghqun Qaquuraq	
Esghaghqaqa . . . . .	73
Usuqamken . . . . .	35
Usuqamken Ataneghllak (Campbell) . . . . .	105
Usuqamken Ataneghllak (Pungowiyi) . . . . .	84
Usuqamken Kaay Ataneq . . . . .	25
Usuqamken Yugulighisteghllak . . . . .	133
Usuqiteggu Kiyaghneq . . . . .	2
Usuqiteggu Kiyaghnehgllak . . . . .	31
Usuqli Kiyaghneq . . . . .	1
Usuqluku, Usuqluku . . . . .	107
Usuqnaghaghmeng . . . . .	66
Usuqnaghaghmeng Ata . . . . .	103
Usuqnaghaghmeng Kiyaghnehgllak . . . . .	57

Usuqnaghalek Kiyaghneghllak.	101
Whanga Akuugunga.	120
Whanga-Elpesi Ungipaannaqamsi.	87
Whanga Taawa.	62
Whangamneng Avangitunga.	7
Yaqlulget Nagataput.	3
Yataaghqaghput Piitesighaghvik.	127
Yataaghqegkaq.	27
Yughaghqaqunga.	143
Yughaghtunga Atamun.	33
Yughaq Uukna.	94
Zaacheus-nguk Yusluvegaghhaq.	70

## **COMPOSER and TRANSLATOR INDEX**

- Angi, Angi Fred . . . . . 21, 134  
Aningayou, Ukuma Hilda . . . . . 19, 56  
Annogiyuk, Siftuun Clifford . . . . . 62, 87, 92  
Annogiyuk, Yaghpana Robert . . . . . 89  
Apangalook, Apangaluq John . . . . . 86  
Apassingok, Iyaaka Anders . . . . . 137  
Apassingok, Sivaaghmii Luceen . . . . . 60  
Apatiki, Anangiq Elfie. . . . . 66
- Baize, Arnateka Ellen . . . . . 144  
Bloom, Tuusugun Dorcas . . . . . 74  
Booshu, Taqanga Alyne . . . . . 25, 39, 103
- Campbell, Aghnataaghhaq Inez . . . 35, 105, 148  
Campbell, Llaagilnguq Victor  
. . . . . 8, 72, 82, 140, 153  
Campbell, Warniyyaq Susan . . . . . 9, 96, 97
- Gologergen, Ayuqi Ora . . . . . 47, 70  
Gologergen, Awliinga Timothy . . . . . 43  
Gologergen, Nguungaya Edward  
. . . . . 6, 85, 112, 127, 131  
Imergan, Elqilaq Flora . . . . . 54

Kingeekuk, Akumutaaq Ruthelle	
. . . . .	13, 20, 67, 77, 102, 104, 117, 152
Kingeekuk, Nutaghregaq Margaret	. . . . . 44, 101
Kingeekuk, Mekeneghsie Ronald	. . . . . 32, 65, 99
Kulowiyi, Imengaawen Daisy	. . . . . . . . . 68
Kulowiyi, Kalaawayi Albert	. . . . . . . . . 110
Kulowiyi, Marvin	. . . . . . . . . 129
Kulowiyi, Nekgun Alice	
. . . . .	51, 57, 59, 71, 91, 109, 154
Kulowiyi, Wiigha Gloria	. . . . . . . . . 136
Kulowiyi, Piniitaq John Jr.	. . . . . . . . . 130
Makarova, Numelen Klava	
. . . . .	155, 156, 157, 158, 159, 160
Malewotkak, Iquqliq Marie	. . . . . . . . . 107
Malewotkak, Papelek Woodrow	
. . . . .	5, 7, 64, 94, 123, 128, 143
Matuklook, Yugaaghpak Winfred	. . . . . . . . . 111
Miklahok, Ananaanga Ruth	. . . . . . . . . 31, 120
Nowpakahok, Amaghalek Beulah	. . . . . 46, 141
Noongwook, Napaziighhaq Janet	. . . . . . . . . 36
Noongwook, Qagughmii Nathan	. . . . . 121, 52, 95
Okomealingok, Aqumigalnguq Fred	16, 108, 133
Okomealingok, Uughqaghmii Gary	. . . . . 15
Oozeva, Mikaghaq Elinor	. . . . . 14, 26, 27, 63
Oozeva, Mikaghaq Elinor and Shinen,	
Nighugun David	. . . . . . . . . 1, 2, 3, 12,
. . . . .	37, 40, 45, 48, 49, 61, 75, 98, 122, 135, 146

Oozeva, Mikaghaq Elinor and	
Hickox, Dean.	138
Oozevaseuk, Penapak Estelle	23, 30, 69, 124
Penayah, Palaghtaq Harriet	18, 24, 33, 58
Pungowiyi, Alqan'gi Louisa	55, 83, 84
Pungowiyi, Emqawyingestaq Shirley	145
Pungowiyi, PangawyI Ivan	
	34, 42, 73, 80, 90, 119, 132, 151
Rookok, Alaan Lane	100, 114, 147
Rookok, Nusukaq Brian	22
Rookok, Payana Jane	118
Rookok, Sulughquun Paul.	113
Soonagrook, Aasaghmii Virginia	11
Toolie, Ketliqaq Raymond.	10
Toolie, Petgenghhaq Gregory	29
Toolie, Qigen'gu Gertrude.	78, 79, 139, 142
Waghiyi, Maniggaq Veta	4
Waghiyi, Puughhun Dorothy	81, 150
Wongittilin, Agnaga Mary Ann	93, 106
Wongittilin, Mary Ann	53, 88
Ungwiluk, Awalqa Rodney	126
Ungwiluk, Qavalghaq Wallace	116

# **Ilagakun Usuqisit**

**1**

## **Usuqli Kiyaghneq**

*Doxology I*

Usuqli Kiyaghneq qamaglluni quyastillgha  
maaqelghii;  
Usuqli tamaghhaamta ulimaaghithni maani;  
Usuqli paamkughsi qilagmeteghyalghiini;  
Usuqli Ighnequllghiik,  
Taghneghaklu Agleghnalghiik.  
Amen.

**2**

## **Usuqiteggu Kiyaghneq**

*Doxology II*

Tr. Mikagħaq Elinor Oozeva & Nighugun David Shinen

Quyastillghanun Kiyaghneq  
Usuqiteggu yulghutni;  
Usuqiteggu paamkughsi;  
Ata, Ighnejq, Taghnegħaklu.  
Amen.

# 3

## Yaqulget Nagataput

*Angels We Have Heard on High*

Tr. Mikaghaq Elinor Oozeva & Nighugun David Shinen

### 1

Yaqulget nagataput, ilagalghiit unugmi,  
ama naayghat  
akitiit, akiingqwaghtaghaat quyalleq.

### Chorus

Usuqnaghalek qilagmelnguq Kiyaghneq.  
Usuqnaghalek qilagmelnguq Kiyaghneq.

### 2

Quyillget sangan quyatsi?  
Sangameng ilagaatet quyallghwaat?  
Sangwaa esghaghesteggu?  
Sangwaa pinilghii ungipaq?

### 3

Bethlehem-emun tagitek esghaghteggu  
allgelghii,  
segesquughfiksaghtughteggu Christ,  
Ataneq, Umiilek.

### 4

Esghaghteggu qavalghii,  
yaqulget usuqegkaat.  
Mary, Joseph kayusighqut, ilagaasimaluku.

## 4

### **Atanegħllak Yugulighistevut**

By Maniggaq Veta Waghjyi

Atanegħllak yugulighistevut  
igamsiqayugvikamken aghnegrni.  
Ellnginaaguten magħyaghquqtestevut,  
iġħivgaghmi whani yughaput kiimsiqaghqi.  
Aghtugħyaghqaangħillgen kelguteqaqhtigu.  
Usuqnaghħalek Ighnēghpek aatħakun.  
Amen.

## 5

### **Atangħem Tunusii**

By Papelek Woodrow Malewotkak

Kitum alngunak atuqii ellngan  
Atangħem tunusii.  
Pinitun atiisqelluki yugusiq,  
egtugneq, anegħneq.  
Igamsiqnaghħalek, igamsiqayugtunga.

# 6

## Piyukamken Tamaghhaani Hour-mi

*I Need Thee Every Hour*

Tr. Nguungaya Edward Gologergen

### 1

Piyukamken tamaghhaani hour-mi,  
nangllegtallghii Ataneq.  
Avangituq memeng elpetun  
nekegtiyaghqameng.

### Chorus

Piyukamken, kaay piyukamken,  
quunpeng piyukamken.  
Kaay quyastinga, yugulighista taginga  
elpenun.

### 2

Piyukamken tamaghhaani hour-mi,  
kiyaghten sawmni.

Puughtistem iflanaqni qantaghanliyavek.

### 3

Piyukamken tamaghhaani hour-mi,  
quyallegħmi, ikfiqelleghmi.  
Tagiraghkiighi kiyagħsagħtaa, unguvalleq  
naavuq.

### 4

Piyukamken tamaghhaani hour-mi,  
Agleghnalghii Ataasiq.  
Ulimanga elpetun, quyanalghii Ighneq.

# Whanganneng Avangitunga

By Papelek Woodrow Malewotkak

Kiyaghneq iglehutaghtinga,  
Kiyaghneq apeghetuqaghtinga.  
Aghnegrmi afiengakaghtinga,  
whanganneng avangitunga.

Kiyaghneq quyasteqaghtinga.  
Kiyaghneq piniqistaghtinga.  
Ilamnun piniqistaghtinga,  
whanganneng avangitunga.

Kiyaghneq quyasteqaghtinga qayughllak  
whangamnituten.  
Ukutlu quyasteqaghtiki,  
whangkunneng avangitukut.

# 8

## Allaaghlluwhaq Nangllegyulghha

*Amazing Grace*

Tr. Llaagilnguq Victor Campbell

### 1

Nagasugnaghalek nangllegyulghha  
yugulillgha whangamnun.  
Iflangwaaghallemneng  
maaten naalkunga.  
Ayaamallemneng esghaghtunga.

### 2

Nangllegyullghan apeghtugaanga,  
alingelqa iqitaa.  
Megnunalleq aliightestaa sivuliillemni,  
ugpellemni.

### 3

Nangyaghniighumallemlni,  
piyaqlillemni tagiragkiichtunga.  
Nanglegyullhem tagitaanga.  
Maghyaghquqaqaanga nekaghqamnun.

### 4

Ayumiqullegħħllak uglapiggleghħii,  
nighupiggleghħii siqinegħtun.  
Takelliighagħtuq usuqilleq Kiyaghnejħmu  
piinlighyuggaallemneng.

**9**

## **Aatghakun Jesus-em**

By Wamiiyaq Susan Campbell

**Aatghakun Jesus-em,  
aatghakun Jesus-em kayaalqiikaagukut.**

**Aawakun Jesus-em,  
aawakun Jesus-em ughvuqaagukut.**

**Igamsiqanaghalek, igamsiqanaghalek,  
igamsiqanaghalek.**

**Usuqnaghllaggaghmeng,  
usugnaghllaggaghmeng,  
usuqnaghllaggaghmeng.**

**Usuqnaghllaggaghmeng,  
usuqnaghllaggaghmeng,  
usuqnaghllaggaghmeng.**

# 10

## **Ugpeqsaqumteggū**

By Ketliqaq Raymond Toolie

1

**Ugpeqsaqumteggū ellnga,  
yugulinayaghiinkut,  
ellnginaghhiinaguq yugulighista.**

2

**Ungipaatkaqiinkut yataaghqiyaghtuqaaguq,  
apeghiiqumi ukigyaghqaaguq.**

3

**Yaqulegtuumaghmillu qalghightaamaghmillu.  
Qalghightalleghmikun makequghyaghqaq.**

4

**Katam tawaten yaqulegpigaghestun,  
ugpeqikat ellnga maligsaghqaat.**

5

**Qayughllak ellnga quyanaghataqtaghtuq.  
Qayughllak ellnga ataasiighmetuq.  
Qayughllak ellnga ataasiighmetuq.**

# 11

## Jesus Christ Piniqelleq

By Aasaghmii Virginia Soongaruk

Jesus Christ piniqelleq,  
Jesus Christ nekeggmelleq,  
Jesus Christ quyalleq, quyatelta.

Jesus Christ tuma, Jesus Christ ipapilleq,  
Jesus Christ unguvalleq, usuqilta.

Piniqelleq tevughaaq,  
nekeggmelleq tevughaaq,  
quyalleq tevughaaq ighsaqumneng.

Usuqamken Ataneq,  
usuqamken Ataneq,  
Usuqamken Ataneq ilaskevnga.

Piniqelleq pilgutkegken,  
nekeggmelleq pilgutkegken,  
quyalleq pilgutkegken whangamnun.

Tuma qelpeghtan, iteghtunga ipapigmun,  
unguvallengunga kenlengilngughmeng.

## 12

# Kiyaghneq Quulvaghli

*To God Be the Glory*

Tr. Mikaghqaq Elinor Oozeva & Nighugun David Shinen

### 1

Kiyaghneq quulvaghli, apeghiiqaanun,  
piniqegkaa nuna tuunkaa Ighneni;  
tuqukaq tukfighthnaluki seghleghqelleput,  
qelpeghtekaa amik iitghesqelluta.

### Chorus

Usuqli Ataneq, nunam nagalligu;  
usuqli Ataneq,  
yuget quyalliit;  
tagitek Atamun Ighnegrhakun Jesus-kun,  
tuuniteggu quulvalleq, apeghiiqaanun.

### 2

Yugulilliq Jesus-em tuqullghakun,  
Kiyaghneghem akequsaa ugpeqilghiinun;  
seghleghqestelleghpigaq ugpeqikuni  
Jesus-meng, seghevutilleq pilleqaa.

### 3

Aangelghii apeghtuutkaa,  
aangelghii apeghiiqaa.  
Aangelghii quyallegħput Jesus-kun;  
iwerenga liigikataghaghleqkut  
whategħluwaaq esghaqumteggu Jesus.

# 13

## Iglehanguunga Kiyaghnehqun

By Akumutaaq Ruthelle Kingeekuk

1

Iglehanguunga Kiyaghnehqun,  
aangehllagkun nallghusaghisteghllagkun.

Nighuk kuukgutuq tuumkaghqamkun.

Nekeggmelleq ighsaqumnituq.

### Chorus

Nagaqughaqa Jesus-em menga piiq,

“Tagi taghnughaghhamni, tagi.

Qakun qilagem amiga qelpeqan whanga  
elpesininnaaghtunga.”

2

Ugumiitaqa seghleghqelleq sanguyaghngaan  
maniguqaqa.

Kaay awiitigu whangamneng, Kiyaghneq.  
Pinilghii nighuk kuukgulli.

3

Iglehanguunga Kiyaghnehqun  
nekeggmelleighlunga ighsaqumkun.  
Liisimakaqa whangamnituq kenlanga  
kenlekaghqamnun.

# 14

## Sangan Maaten?

*Why Not Now?*

Tr. Mikaghaq Elinor Oozeva

1

Yughaaluta, tungsighluta,  
liigiksavgu nuuqegkan.  
Atagpek tuqluumaluten,  
sangan taginanighsin?

Chorus

Sangan maaten taginghisin Jesus-mun?  
Sangan maaten taginghisin Jesus-mun?

2

Aghulaquten uyavanun,  
wata uyavaghpenang.  
Tunutegpenang Kiyaghneghmeng,  
tuguklighhu aghnegrhmi.

3

Nunami naalkenghitan nekeggmelleq  
elpenun, tagi Christ-mun ugpeqigu,  
nekeggmelleq pilleqan.

4

Tagi Christ-mun apeghraa,  
Christ-am seghevulliten.  
Neghyukigu aghnelqusiq, aflengakelleqaaten.

## 15

### Lighwighthneqigtinga

By Uughqaghmii Gary Okomealingok

Jesus, Jesus iitghi ighsaquumnun  
ighwighthneqigtinga allameng.

Jesus, Jesus iitghi ighsaquumnun awitigu  
qivghulleq whangamneng.

Jesus, Jesus iitghi ighsaquumnun  
ighwighthneqigtinga.

*Alla maalghugegneng atughteggu*  
*Repeat 2 times*

## 16

### Ilagaan Yughaq

Tr. Aqumigalnguq Fred Okomealingok

1

Ugpeqamken, nagatamken,  
nagaqughamken, ulimaghisteghllak.  
Qelpeghutamken, iteghtestamken,  
kanaghtamken, ulimaghisteghllak.

2

Maligtamken igleghtunga tumegpegun  
ulimaghisteghllak.

Aghtughyaghqaanghillghen,  
kayaalqiillghen usuqaqa ulimaghisteghllak.

17

## Jesus Tukfighisimaanga

*Jesus Paid It All*

Nagaqughaqa Yugulighista pilghii,  
iknaqa ipa mekestaaghhaaguq, taghnughhaq  
kayaatuten, esghapak, yughaa,  
naalkigu whangamni  
qamagtengngwaaghluku.

Chorus

Jesus tukfighisimaanga, qamaglluku  
ellnganeng asengeka,  
seghleghqelleq ellmiigutkaayalghii,  
ughvumaa anigughpigaghestun.

2

Ataneq liitamken ipapestaaq,  
ellnginaghhiinaghpekk pikayuguuten,  
awiinnayaghaten ellmiigutkat,  
ughuggnayaghaa umyugalluk.

3

Qakun tuquvimmeng taghneghagka  
mayughllequq, Jesus tukfighisimaanga,  
piyugllequq angvallughmelngughmeng.

4

Qakun sivungakun Ataneghpagem,  
nekevegkuma apeghiighllequnga,  
kayaalqiillghenka llilleqanka qamaglluku  
Jesus-em itegiikun.

## 18

### Aghnaghmi Whani Tuununga Elpenun

By Palaghtaq Harriet Penayah

Aghnaghmi whani tuununga elpenun  
qepghaghtekesqellunga.  
Anglegutemnun, nengllugutemnun,  
uvilighnemnun.

#### Chorus

Qepghaghtekinga piyukelleghpetun  
iilqayufqaama,  
meghnallngunanga, piniqellelighlunga.  
Qepghaghtekinga piyukelleghpetun  
iilqayufqaama,  
meghnallngunanga, piniqellelighlunga.

## 19

### Kaay Piyugtunga

By Ukuma Hilda Aningayou

Igamsiqayugvikaqa ellngan tunusaa,  
piniqelleq, nighuk, wata wataqaaghaq.  
Manigughteggu unugtumaan.  
Ellngan tunusaa ilagaatkun igamsiqanaghllak.  
Ellmi tumemineng qelpeghunnaaghiisi,  
qelpeghunnaaghiisi. Kaay yughaghtunga,  
maniguutunga Kiyaghneghmun.  
Whanga maketaanga. Kaay piyugtunga.

## 20

### Katam Qagighllagestun

By Akumutaaq Ruthelle Kingeekuk

Katam qagighllagestun,  
katam qagighllagestun tagiiq piniqellgha  
Jesus-em, nighthugtaa igleghneqa.

Katam qagighllagestun,  
katam qagighllagestun tagiiq  
piniqellgha Jesus-em, nighthugtaa igleghneqa.

*Alla maalghugegneng atugheteggu*  
*Repeat 2 times*

## 21

### Jesus Christ-a

By Angi Fred Angi

Jesus Christ-a usuqiteggu, usuqiteggu,  
usuqiteggu.

Ellnginaghhiinaa usuqiteggu, usuqiteggu,  
usuqiteggu.

Jesus Christ-a tenglugtughaquq  
ighsaqumteggun,  
qelpeghuteggu iteghtesteggu,  
qelpeghuteggu iteghtesteggu.

Usuqnaghaghmeng, usuqnaghaghmeng  
usuqiteggu Jesus-nginxhhaq.  
Hallelujah, hallelujah, hallelujah,  
praise the Lord.



**Jesus Christ-a, avuteghqunga  
seghleghqellemneng, ilemutunga.**

**Jesus Christ-am seghleghqelleput  
qaquuraatkaqiinkut yugulinaluta.**

**Jesus ellnga  
nangllegtaghllagtuq neghyuksaqumteggū  
ighsaqumteggū.**

**Jesus Christ-a nekevghalgusighnga  
aghneghuyaghngaan, unuguyaghngaan.**

**Taghneghagken kayagtikek  
iglehutesqelluta unugtuumaan.**

**Hallelujah, hallelujah, hallelujah  
praise the Lord.**

**Jesus ellnga mayuqaaguq,  
yataaghqiyaghtuqaaguq nekaghqameng.**

**Jesus ellnga ukigyaghqaaguq  
yaqulegtuumaghmi.**

**Ukigyaghqaaguq nallukaghput  
aghneghuyaghngaan, unuguyaghngaan.  
Aghyuulleghqaan sivungani usuqiteggū  
ilagaatkun.**

**Hallelujah, hallelujah, hallelujah,  
praise the Lord.**

## 22

# Kiyaghnehllamni

By Nusukaq Brian Rookok

### 1

Kiyaghnehllamni esghaghtestan  
ahtughyaghqaanghillghen  
aangepilegħħii.

Agarugllak uyavaghpani eslam  
sungagħyugatun kenlengilnguq.

### Chorus

Usuqnaghħagħmeng, usuqnaghħagħmeng,  
Kiyaghnehllak natu kiyaghngalghii.  
Piniqingalleħħpenun, nangllegħtalleħħpenun,  
usuqamken, usuqamken.

### 2

Kiyaghnehllamni aangepigħtut.  
Tagħiġi ka naall ġħuttegħ ħażżepp,  
Ighnēgħpegun Jesus-kun llika qiegħen  
qamagtengwaaghlu k uaqnilegħha qasqafut.

### 3

Kiyaghnehllamni aangepilegħħii  
kenlengilnguq nangllegħtallghen,  
piniqingallghen, tani ill-ghitellghen,  
tamaghħħagħħillaganun ayuqelghii.

23

## Jesus-em Kevgaanga

*Jesus Has Lifted Me*

Tr. Penapak Estelle Oozevaseuk

1

Asivaneng nighugmun pamavek,  
whanga kefkaagunga piniqelleghqun,  
asighqutmeng taghneghaqa itemutuq,  
qayughllak Jesus-em kevgaanga.

Chorus

Jesus-em kevgaanga,  
Jesus-em kevgaanga,  
unugmeng nighulghiimun nighugmun,  
aa, Jesus-em kevgaanga.

2

Nunameng qilagem meghnaalillghanun,  
nunamun Christ-am quyastekaanun;  
nighughqelleghmi ellnganillequnga  
qayughllak Jesus-em kevgaanga.

3

Whanganneng ellnganun maniguqamnun,  
kiyaghhnalunga piniqellghani;  
kenlengilngughmi nighughqelleghmi.  
Aa, Jesus-ma kevgaanga.

## 24

# Naten'ngam Esgaghnaqsiken?

By Palaghtaq Harriet Penayah

### 1

Ataneq, aghneghmi whani naten  
esghaghnaqsiken?  
Ighsaquqa malghuklingaan,  
nangllegyaguteqaghtinga.

### 2

Waaknaniimalghiinga talwa yughaghpenanga.  
Ighsaqumkun avuteghqunga,  
nangllegyaguteqaghtinga.

### 3

Maaten whaa esghaghaqa yugulimangitelqa.  
Wetkuqun avuteghqegkuma  
nangllegyagulleqaghpenga.

### 4

Tagi Jesus ighsaqumnun yugulighisteklaken.  
Neqamikeqaghhnakevnga  
Ataneghpagulleghpeni.

**25**

## **Usuqamken Kaay Ataneq**

By Taqanga Alyne Booshu

**1**

Ataasiq tuma qilagmun,  
Jesus ipapilleq qilagmun.  
Ataasiq unguvalleq qilagmun,  
Jesus ugallee qilagmun.

**Chorus**

**Usuqamken, usuqamken, kaay Ataneq.**  
**Usuqamken, usuqamken, kaay Ataneq.**

**2**

Ataasiq neghyulleq qilagmun.  
Jesus piniqelleq qilagmun.  
Ataasiq nekeggmelleq qilagmun.  
Jesus quyalleq qilagmi.

**3**

Qerngaamta manigughlleqaghput,  
quulvaghllleqaghput Jesus.  
Qerngaamta ilagallequkut,  
qerngaamta quyallequkut.

## 26

# Neghyukluku Jesus

*Trusting Jesus*

Tr. Mikaghaq Elinor Oozeva

1

Neghyukluku aghhutanga tamaghhaan,  
neghyukluku tuma seghleghughngaan  
talwa ugpelqa mekestaghhaaghngaan,  
neghyukluku Jesus taawanginaq.

Chorus

Neghyukluku aflu naghughhneghani,  
neghyukluku aghneq naghughhneghani,  
neghyukluku sanguyaghngaan,  
neghyukluku Jesus taawanginaq.

2

Kuukgutuk taghneghakek,  
whavek ighsaqullumnun,  
whanga ulleghnaanghitunga,  
neghyukluku Jesus taawanginaq.

3

Ilagaghtunga tuma pininghani,  
yughaghtunga tuma seghleghunghani,  
yakughnami tuqlughluku,  
neghyukluku Jesus taawanginaq.      ➔

Neghyukluku kenlemun,  
 nunamllu kenlenganun, kenlanga  
 qilagem minglenganun,  
 neghyukluku Jesus taawanginaq.

## 27

**Yataaghqegkaq**

By Mikaghaq Elinor Oozeva

## 1

Yataaghqegkaq atuqaghput,  
 whangkuta pikenghitaghput.  
 Kiyaghneghem yataaghqegkaa.  
 Usuqnaghaghmeng Atavut.

## 2

Quyallemnii ivaghlu,ku,  
 qivghullemnii ivaghlu,ku,  
 quyanallghakun ayuquq.  
 Usuqnaghaghmeng Atavut.

## 3

Atanemnni kayusighqut,  
 piyukellghen ivaaltegu,  
 quyanallghakun ayuquq.  
 Usuqnaghaghmeng Atavut.

## 28

# Quyapigtunga

*I Am So Glad*

1

Quyaanga Atavut qilagmi pamani,  
aapghaa piniqelleni igatgun tagivaqamikun;  
Bible-enilluku sanqun allaaghlluwhaq  
esghaghqaqa,  
megnukegkaghpigaghmeng Jesus piniqaanga.

Chorus

Quyapigtunga Jesus piniqaanga,  
Jesus piniqaanga, Jesus piniqaanga;  
quyapigtunga Jesus piniqaanga,  
Jesus piniqaanga, whangallu talwa.

2

Avelghaghluku puyguyaqumkun, navek  
aghulaqsaghngaaghma piniqnaaghaanga;  
uteghsugtunga tuunlunga tallignun  
piniqestegnun,  
whanga neqaqumkun Jesus piniqaanga.

3

Kaay, ataasighhaq ilagaan atughyaqumkun,  
qakun Ataneghpagrulkllak  
esghaghugnalghii esghaqumkun,  
una ilagaatka quunperugllagmi;  
kaay, sangwaa allaaghlluwhaaguq Jesus  
piniqaanga.

## 29

# Tuqluulteggu Ataneghput

By Petgenghaq Gregory Toolie

1

Tuqluulteggu Ataneghput,  
ellnginaaguq tuumkaghqaghput.  
Jesus-nginaghhaaguq tuumkaghqaghput,  
alla saaghwakun avangitukut.

2

Anglegutemni ivaalteggu,  
ellnginaaguq tuqlughyaghqaq.  
Jesus-nginaghhaaguq tuumkaghqaghput,  
alla saaghwakun avangitukut.

3

Aneghneghhaghmeng whaken tunusaaneng  
whangkunnun igamsiqayugvikelteggu  
ellnginaa.

Jesus-nginaghhaaguq tuumkaghqaghput,  
alla saaghwakun avangitukut.

4

Anglegutemni tagitek piniqelteggu,  
maniguulteggu, usuqelteggu.  
Jesus-nginaghhaaguq tuumkaghqaghput,  
alla saaghwakun avangitukut.

5

Quyalusi tuqlughteggu unugtuumaan,  
aghneghtuumaan tuqlughteggu.  
Jesus-nginaghhaaguq tuurnkaghqaghput,  
alla saaghwakun avangitukut.

## 30

# Nunanimi Qantaghaqun

*In the Sweet Bye and Bye*

Tr. Penapak Estelle Oozevaseuk

### 1

Nuna pinighataghghii aghneghneng,  
ugpellegħqun eshaghħlleqaghput uyavanlluku;  
Ata utaqiiguq tumerni,  
apeghiighunnaluta nekaghqameng.

### Chorus

Nunanirni qantagħaqun, nallaallequku  
pinilghiirni esnarni. Nunanirni qantagħaqun,  
nallaallequku pinilghiirni esnarni.

### 2

Ilagaghħllequku esnarni,  
ilagaatangitneng quyastekat;  
tagħnegrħaput qivghunānighħlequ,  
megħnaliyugħnanighħlequku.

### 3

Pituqarnun Atarnnnun parnavek,  
tuunelleqaghput usuqilleq;  
tunusaaneng piniqellgħhaneng,  
quyastillegħħlagħanengħlu.

## 31

# Usuqiteggu Kiyaghnehllak

By Ananaanga Ruth Miklahok

### 1

Usuqiteggu Kiyaghnehllak,  
usuqiteggu Kiyaghnehllak.  
Ellnginaghhaan Atakaghsı,  
ellnginaghhaan Atakaghsı.

### 2

Usuqiteggu piniqellghanun,  
usuqiteggu piniqellghanun.  
Ellnginaghaghmi piniqiinkut,  
ellnginaghaghmi piniqiinkut.

### 3

Usuqiteggu ighsaqughpesigun,  
usuqiteggu ighsaqughpesigun.  
Ellngingaghaghmi aflengakiinkut,  
ellnginaghaghmi aflengakiinkut.

### 4

Usuqiteggu quyastillghanun,  
usuqiteggu quyastillghanun.  
Kuuvegkaqaa quyastilleni.  
Usuqiteggu tamaghaghpesi.

## 32

### Jesus Whanga Tuumka

By Mekeneghsı Ronald Kingeekuk

1

Jesus tuumka, Jesus nighuka,  
qavngaq uyghagighaqngama.  
Usuqnaghalek, usuqnaghalek,  
Jesus-ka qilagmelnguq.

2

Jesus tuumka, Jesus nighuka,  
qavngaq uyghagighaqngama.  
Usuqnaghalek, usuqnaghalek,  
Jesus-ka qilagmelnguq.

3

Jesus tuumka, Jesus nighuka,  
qavngaq uyghagighaqngama.  
Usuqnaghalek, usuqnaghalek,  
Jesus-ka qilagmelnguq.

**33**

## **Yughaghtunga Atamun**

By Palaghtaq Harriet Penayah

**1**

Yughaghtunga Atamun,  
yughaghtunga Atamun,  
yughaghtunga Atamun aflengakesqelluta.

**2**

Yughaghtunga Jesus-emaatghakun,  
yughaghtunga Jesus-emaatghakun,  
yughaghtunga Jesus-emaatghakun  
aflengakesqelluta.

**3**

Yughaghtunga Taghneghagnekun,  
yughaghtunga Taghneghagnekun,  
yughaghtunga Taghneghagnekun  
aflengakesqelluta.

**4**

Usuqnaghalek Ata,  
usuqnaghalek Ighneq,  
usunaghalek Taghneghak,  
aflengakaqiinkut.

**5**

Igamsiqanaghalek,  
igamsiqanaghalek,  
igamsiqanaghalek aflengakaqiinkut.

## 34

# Igamsiqayugtunga Liigikestekanganga

By Pangawy i Ivan Pungowiyi

### 1

Igleghalleminni esghaghtestaanga  
ulimaaghmikun nunaghllagkun.

Naten angkaghllagta ulimaghiste ka?  
Igamsiqayugtunga liigikestekanganga,  
unguvalqa ellngan igleghutngukanga.

Itagnatun usuqlakun Atanqa.

### Chorus

Praise, Praise the Lord;  
hallelujah, hallelujah.  
Praise, praise the Lord.

### 2

Anglegutemni qamaglluta  
tuqumatkegkaqiinkut qaquuramikun.  
Qamaglluta qaquuramikun piniqepiglluta  
tuqumatkegkaqiinkut.  
Unguvallelitelleghmikun  
quyastellengestiinkut.  
Anglegutemni itagnatun usuqelteggu Ataneq.

# 35

## Usuqamken

By Aghnataaghhaq Inez Campbell

1

**Ataneghput nanglleleqtaghllak  
tamaghaghllaganun.**

**PiniqeUgha ayugilnguq nangllegtalleghllaga.**

Chorus

**Usuqamken, usuqamken,  
ilutughsaqefkut.  
Usuqamken, usuqamken,  
ilutughsaqefkut.**

2

**Akequsan ipaghllaguuq esghaghyaghqaqaput.  
Tawaten kat am qunqallelghiistun  
allangughllequkut.**

3

**Anglegutemni yataaghqelta sivungani  
tagilleghqaan.  
Akequsaa ipaghllaguuq  
allgeghsaghqaqaghput.**

## 36

# Aflengakellgha Piniqelleghmikun

By Napaziighhaq Janet Noongwook

### 1

Quulvaghphanteghllagyaghngaamta  
esghaghaghput Kiyaghneghem  
aflengakelleghllaga piniqelleghllagmikun.

Usuqelteggu Kiyaghneq  
aflengakelleghllaganeng piniqelleghllagmikun,  
usuqnaghalek Ataneq.

### 2

Quulvaghphanteghllagyaghngaamta  
esghaghaghput Kiyaghneghem  
aflengakelleghllaga piniqelleghllagmikun.

Usuqelteggu Kiyaghneq  
aflengakelleghllaganeng piniqelleghllagmikun,  
usuqnaghalek Ataneq.

## 37

# Tagitek Ataasiighmelngughni

*Come All Ye Faithful*

Tr. Mikaghaq Elinor Oozeva & Nighugun David Shinen

### 1

Tagitek ataasiighmelngughni,  
quyatek kayaalqiilleghmeng.  
Tagitek, tagitek Bethlehem-emun;  
tagitek esghaghteggu,  
allgelhii umiilga yaquiget.

### Chorus

Tagitek, yeqay piniqelteggu, tagitek,  
yeqay piniqelteggu,  
Tagitek, yeqay piniqelteggu, Christ, Ataneq.

### 2

Ilagaghtek yaqulegni,  
ilagaghtek quyallegtmeng.  
Ilagaghtek yugani qilagem pamun,  
“Nighughquelleq Kiyaghneghmun,  
nighughquelleq uusqalleghmun.”

### 3

Aa, Ataneq quyakamken allgelhii  
whani unaangumi.  
Jesus, elpenun nighughquelleq tuunelghii.  
Akuzitnga Atam,  
maaten kemegkun allgelhii.

## 38

# Taginga Ataneq

*I Am Coming Lord*

1

Nagaqughaqa menga,  
tuqluqanganga Ataneghmun,  
ukmangiisqellunga aawhkun maaqegkakun  
Calvary-mi.

### Chorus

Taginga Ataneq, taginga elpenun,  
ukmangighnga aawhkun  
maaqegkakun Calvary-mi.

2

Talwa kayaateghngaaghma,  
iknaqughllepqaghpeng,  
nukegginalqa ukmangighllepqan  
qamagtengngwaaghluku.

3

Jesus-em tuqlughaanga ugpelleghmun  
piniqelleghmun,  
neghyulleghmun, nekeggmelleghmun,  
nunamillu qilagmillu.

## 39

# Jesus Whanga Yugulighisteka

By Taqanga Alyne Booshu

### 1

Jesus whanga yugulighisteka,  
maghyaghquughnga aghnegrmi.  
Qantaghanlluten whangamniton,  
nekevghalgsighngallu.

### 2

Jesus whanga yugulighisteka,  
aklukamken quunperughllak.  
Piniqamken ighsaqumneng.  
Igamsiqayugvikamken.

### 3

Jesus whanga yugulighisteka,  
atuqsugamken aghnegrmi.  
Unugmi nayuqepeqaghtikut,  
esghapagumaqeqehtikut.

40

## Nighuga Nunam Jesus

*The Light of the World is Jesus*

Tr. Mikaghaq Elinor Oozeva & Nighugun David Shinen

1

Nunataghhaa iflakaq mamlelleghqun;  
nighuga nunam Jesus;  
siqineghtun nighughqellgha kuukgutuq,  
nighuga nunam Jesus.

Chorus

Tagi nighugmun kuukgutuq elpenun;  
pinilghii nighuk nighugutuq whangamnun,  
ayakaayalghiinga maaten esghaghtunga;  
nighuga nunam Jesus.

2

Mamlellghitukut whangkuta Jesus-mi;  
nighuga nunam Jesus;  
piyugtukut nighugmi maliglluku,  
nighuga nunam Jesus.

3

Elpesi ayaastekii seghleghqellhem,  
nighuga nunam Jesus;  
ughvughyaghtiisqiisi, nighuk  
esghaghleqaghs, nighuga nunam Jesus.

4

Nuuqnaanghitaghput siqineq qilagmi,  
nighuga nunam Jesus;  
Penniiq nighuguuq nunangani qilagem,  
nighuga nunam Jesus.

41

## Jesus Piniqaanga

*Jesus Loves Me*

1

Jesus piniqaanga liisimakaqa inqun Bible-et  
apeghvikaatnga;  
mekestaaghhaat ellngan pikii;  
taakut kayaatut ellnga ignaquq.

Chorus

Aa, Jesus piniqaanga, Aa, Jesus piniqaanga,  
Aa, Jesus piniqaanga,  
Bible-et tawaten apeghvikaatnga.

2

Jesus aqumutagmineng uusqalghiighneng  
tagikaq nunamun tuqunaluni,  
inqun itemutesqellunga seghleghqelleghmeng  
aagtquumaaq uqfigmi.

3

Jesus piniqaanga, tuquumaaq,  
qilagem amiga qelpeghhnaluku;  
ughvughnaagħħaa seghleghqelleq,  
taghnughhaat itegħtesnaagħħii.

4

Jesus pigu ighsaquqa, ukmangighwaagħħu  
qamagtengngwaagħħu;  
aagtquqluten tuqutkumaagħpenga, whaken  
kenlekluku piliilleqgħapenga.

42

## Igamsiqanaghalek

By Pangawy i Ivan Pungowiyi

1

Igamsiqanaghalek tunusaghrugllaga,  
puygunaanghitunga,  
igamsiqayugllequnga.

Chorus

Usuqamken Ataneq, usuqamken,  
usuqamken Ataneq, usuqamken.

Unguvallemni whani atughqaliskevnga,  
puygunaanghitunga,  
igamsiqayugllequnga.

2

Esghaghtunga tunusaghpegun  
piniqepigtaghpeng,  
puygunaanghitunga, igamsiqayugllequnga.

43

## Iiwleeng Kiyaghtaquq

*Constantly Abiding*

Tr. Awliinga Timothy Gologergen

1

Nekeggmelleq ighsaqumni nunam  
tuunegkaqenghilkanga,  
nekeggmelleq iqisaghqaanghilnguq;  
talwa seghleliighem kanglIuyaquninga  
nekeggmellelguunga.

Chorus

Iiwleeng kiyaghtaquq, Jesus whangamnituq;  
iiwleng kiyaghtaquq, quyapigtunga;  
ellngan uninnaanghitaanga, ungipataanga,  
“Uninnaanghitamken!” Whangamnituq.

2

Nunam ilagaalligu, “Yugulighista, Umiilek,”  
nekeggmelleq tagiiq ighsaqumnun;  
atkuyaq iqituq, unuk aghnegrughtuq,  
Jesus allaaghlluwahaaguten.

3

Una aklungi whanga yugusimnilnguq,  
salin whanga nunamellunga;  
alla tagilIequq aglaannalunga,  
qilagmelngughmun nemnun.

©1908 Nazarene Publishing House  
Una ilagaan atuqegkaaguq aapulluni *Used by permission*

## 44

# Jesus Maketuq

By Nutaghregaq Margaret Kingeekuk

1

**Jesus maketuq, aghnegrmi maketuq,  
unguvaghtuq tuqulleghmeng.  
Maketuq aghnegrmi lliveghmineng,  
mamlelleghmeng nighulleghmun.  
Usuqnaghalek, usuqnaghalek,  
usuqnaghalek Ataneghllak.**

2

**Jesus maketuq, aghnegrmi maketuq,  
Jesus maketuq, yugulighista maketuq.  
Yugulillengukut unguvallghakun,  
yugulillengukut unguvallghakun.  
Usuqnaghaghmeng, usuqnaghaghmeng,  
usuqnaghaghmeng Ataneghput.**

3

**Jesus maketuq, aghnegrmi maketuq,  
quyalta, aghnegrmi ighsaqumteggun  
qayughllak Jesus maketuq aghnegrmi.  
Jesus maketuq, quyalta aghnegrmi.  
Usuqnaghaghmeng, usuqnaghaghmeng,  
usuqnaghaghmeng Ataneghput.**      ■■■

**Jesus maketuq, aghneghmi maketuq,  
kayaalqiiguq tuqulleghmeng.  
Iflanaanghitii taghnughhani.  
Kayaalqiiguq anguyagmineng.**

**Usuqnaghaghmeng, usuqnaghaghmeng,  
usuqnaghaghmeng Ataneghput.**

**Quulvaalteggu, usuqelteggu,  
tuunelteggu igamsiqayulleq.**

**Tuunellghaaneng kenlengilnguq unguvalleq,  
allgeeghtaghput.**

**Usuqnaghaghmeng, usuqnaghaghmeng,  
usuqnaghaghmeng Ataneghput.**

# 45

## Aangepigtuten

*How Great Thou Art*

Tr. Mikaghaq Elinor Oozeva & Nighugun David Shinen

1

Kiyaghneghillamni,  
allaghlluwhaghhyunemni esghaghluku  
aghtughyaghqaanghillhen, siqineghqun, tan-  
qikun, ighaleqetaaghteggun,  
qamaglluku elpek ulimakan.

Chorus

Ilagaghtunga yugulighistemnun,  
aangepigtuten, aangepigtuten.  
Ilagaghtunga yugulighistemnun,  
aangepigtuten, aangepigtuten.

2

Kaay Kiyaghneq esghanemki uqfiget,  
liisimakanka piitestekaghten,  
neqaghtestaa uqfiga Calvary-m,  
Ighneghpek qaquuraghviga whangannun.

3

Christ tagikan aglaanalunga nemnun,  
quyaghllagyaghqanga ighsaqumkun;  
segesqughllunga manigughyaghqaqa,  
Kiyaghneghillamni aangepigtuten.

©1953, 1955, 1981 Manna Music, Inc  
Una ilagaan atuqegkaaguq aapulluni *Used by permission*

## 46

# Tuma Naalkenneghmeng Aghtughqa

*I Cannot Find the Way Home*

Tr. Amaghalek Beulah Nowpakahok

1

Iglehangulunga qivghulleghmi,

tuma nalluneqnapigtuq.

Ataneq tasluqaghnga,

tuma naalkenneghmeng aghtughqa.

Chorus

Tuma naalkenneghmeng aghtughqa.

Ataneq asitmun esghaqa.

Nighugen kuukgutaghitigu.

Tuma naalkenneghmeng aghtughqa.

2

Ilangitunga igleghutistemeng,

kayaatepigtungallu,

piyulgusiregaqaghnga.

Taana tuma naalkenneghmeng aghtughqa.

3

Unguvallghem nalluneqsugtaanga,

Ataneq aflengakaghtinga.

Elpeklangak talligpek qetelleghqek.

Tuma naalkenneghmeng Aghtughqa.

©1954, 1982 by Albert E. Brumley & Sons.

Una ilagaan atuqegkaaguq aapulluni *Used by permission*

47

## Piyulghiit Taghnughaghhaat

*Suffer the Little Children*

Tr. Ayuqi Ora Gologergen

1

Piyulghiit taghnughaghhaat, ineghtegpenaki.  
Tagitek Jesus-mun! Unata apeghtuusaa.

Chorus

Jesus-em piniqii taghnughahaat,  
enkaam piniqaghput.

Piyaghqaagh'hnaqaghput ellngan pisqellgha.

2

Nekaghqaq uglaapigtuq maniguutfigkaghput,  
piyukellelgukumta ungipaannaaghiinkut.

3

Waakesingwaaghpenaamta  
qepghaghhyaghqalgukumta,  
inqun piniqii taghnughahaat,  
enkaam piniqaghput.

©1917, 1945 Hope Publishing company  
Una ilagaan atuqegkaaguq aapulluni *Used by permission*

## 48

# Ilakumtaaghlluwhaq Jesus

*What A Friend We Have in Jesus*

Tr. Mikagaq Elinor Oozeva & Nighugun David Shinen

1

Ilakumtaaghlluwhaq Jesus, seghleghquelleput  
iqitii! Quyastellghuuq apeghluku tamaghhaan  
Kiyaghneghmun. Nekeggmelleq ighsakaghput,  
seghleliiq atuqaghput, qayughllak  
yughaatkigalkefut tamaghhaan  
Kiyaghneghmun.

2

Satan-em nanghiiqwaaqinkuut?  
Seghleliighaqestalluu?  
Whangkuta iilqayufqaamta,  
Ataneghmun yughaghluta!  
Naalkunnaaghhestaa ilameng  
kayusighiyaghqameng; legan Jesus  
tawatetuq, aapghu ellnganun yughakun.

3

Kayaatestaa? Uqigtustaa?  
Alingruughaqestalluu?  
Jesus amigiisghaqaghput,  
aglaghtek ellnganun yughakun.  
Ilagpek ugumiitataan?  
Aapghu Jesus-mun yughakun;  
Ellngan ugumiinnaanghitaaten ellnga  
elpenillequq.

# Avangitkaq Alla Tumemeng

*There Was No Other Way*

Tr.Mikaghaq Elinor Oozeva & Nighugun David Shinen

1

Ighaleqetaaghilluku,  
 nunangilluku qikungllaamangilluku  
 yungllaghyaghqameng,  
 Christ Penniigha Kiyaghneghem,  
 seghleghqestenun tuunkaa,  
 naveghqellista taananginaghhaq.

### Chorus

Avangitkaq Kiyaghneghem atughqaaneng,  
 yugulisighqameng iflakanun maani;  
 tuquallghakun ellngan Ighnegan uqfigkun,  
 avanituq alla,  
 Calvary-nginaq.

2

Aklungingan nunam naveghqellinghitiinkut,  
 talwa qepghallemta akitupigtuq!  
 Jesus-nginaghhaam aawa neghyuvut.  
 Aakw tuunkaq whangkunnun aghqutkegkaq.



3

**Ilamni, naalkegkuvgu tuma qilagmun  
seghleghqelleghpeneng  
itemellequten, tuguklighhu tuma  
Kiyaghneghem tuunkaa.  
Aangepigtuq qepghallgha Calvary-m.**

4

**Apeghlakun ungipaq maghyaghqullghani,  
kitum alngunak nagaqughligu  
Jesus ipapilleq, unguvalleq, tuma.  
Unata ungipaq nunataanun.**

©Copyright 1965 by John W. Peterson

Una ilagaan atuqegkaaguq aapulluni *Used by Permission.*

50

## **Jesus Aatghen Piniqaqa**

*Jesus Thy Name I Love*

**Jesus Aatghen piniqaqa wata  
sayaggaagnneng, tamaghhaaneng,  
Jesus Atanqamken.**

**Tamaghaghpek whangamnituten.  
Avangitunga quyasiitunga ellnginaaguten,  
Jesus Atanqamken.**

# 51

## Elpenitaqunga

By Nekgun Alice Kulowiyi

1

Kakavegpenang elpenitaqunga.

Alingegpenang elpenitaqunga.

Legan tuqlughaqinga atemkun Jesus-kun,  
kiimsighaqnaaghamken,  
quyastaqnaaghamken.

2

Sumeghyaligpenang elpenitaqunga.

Quuvyugpenang elpenitaqunga.

Legan tuqlughaqinga atemkun Jesus-kun,  
kiimsighaqnaaghamken,  
quyastaqnaaghamken.

3

Kayaaligpenang elpenitaqunga.

Nekeggmelluten elpenitaqunga.

Legan tuqlughaqinga atemkun Jesus-kun,  
kiimsighaqnaaghamken,  
quyastaqnaaghamken.

4

Kayuteyuneghpeni elpenitaqunga.

Aklukneghpenga elpenitaqunga.

Legan tuqlughaqinga atemkun Jesus-kun,  
kiimsighaqnaaghamken,  
quyastaqnaaghamken.



5

Yughaneghpeni elpenitaqunga.  
Akilghuuneghpeni elpenitaqunga.  
Legan tiIqlughaqinga atemkun Jesus-kun,  
    kiimsighaqnaaghamken,  
    quyastaqnaaghamken.

6

Usuqamken Atanemni Jesus Christ-a.  
    Igamsiqayugvikamken  
        qaamakeruggllak.  
Quulvaghqaqaaatghen anglistaqa.  
    Amen, amen.

## 52

### Jesus-em Tuqumataa Nunataghhaa     Tamaghhaan

By Qagughmii Nathan Noongwook

Jesus-em tuqumataa nunataghhaa  
tamaghhaan, whagun suvinalghiignekun  
    qaquuralleghmikun.

Kina ugpeqilghii yugumallengangnaquq  
    taaggun

    aagtuqellghakun qaquuragni.

Aa quyapigtunga Jesus-em tuqumatkaqaanga.  
Aa quyapigtunga Jesus qama ighsaqumnituq.

*Alla atughteggu maalghugegneng  
Repeat 2 times*

## 53

### Jesus-nguuq Yugulighista

By Agnaga Mary Ann Wongittilin

#### 1

Jesus-nguuq yugulighista,  
Jesus-nguuq tuqlughyaghqaq.  
Jesus-nguuq yugulighista,  
Jesus-nguuq tuqlughyaghqaq.  
Jesus-nguuq aghtughyaghqaanghilnguq,  
Jesus-nguuq iknaqelghii.  
Jesus-nguuq manigughyaghqaghput,  
Jesus-nguuq tuqlughyaghqaq.

#### 2

Jesus-nguuq manigughyaghqaq,  
Jesus-nguuq tuqlughyaghqaq.  
Jesus-nguuq manigughyaghqaq,  
Jesus-nguuq tuqlughyaghqaq.  
Jesus-nguuq aghtughyaghqaanghilnguq,  
Jesus-nguuq iknaqelghii.  
Jesus-nguuq manigughyaghqaghput,  
Jesus-nguuq tuqluyaghqaq.      ■■■→

## 3

Jesus-nguuq neghyuksaghqaghput,  
 Jesus-nguuq tuqlughyaghqaq.  
 Jesus-nguuq neghyuksaghqaghput,  
 Jesus-nguuq tuqlughyaghqaq.  
 Jesus-nguuq aghtughyaghqaanghilnguq,  
 Jesus-nguuq iknaqelghii.  
 Jesus-nguuq manigughyaghqaghput,  
 Jesus-nguuq tuqluyaghqaq.

## 4

Jesus-nguuq megnunalleghput,  
 Jesus-nguuq tuqlughyaghqaq.  
 Jesus-nguuq megnunalleghput,  
 Jesus-nguuq tuqlughyaghqaq.  
 Jesus-nguuq aghtughyaghqaanghilnguq,  
 Jesus-nguuq iknaqelghii.  
 Jesus-nguuq manigughyaghqaghput,  
 Jesus-nguuq tuqlughyaghqaq.

## 5

Jesus-nguuq quulvaghyaghqaghput,  
 Jesus-nguuq tuqlughyaghqaq.  
 Jesus-nguuq quulvaghyaghqaghput,  
 Jesus-nguuq tuqlughyaghqaq.  
 Jesus-nguuq aghtughyaghqaanghilnguq,  
 Jesus-nguuq iknaqelghii.  
 Jesus-nguuq manigughyaghqaghput,  
 Jesus-nguuq tuqlughyaghqaq.

## 54

# Avelghasingwaaghpenasi

By Elqilaq Flora Imergen

### 1

Yughaghlusi iiwleng aghhutanga tamaghhaan  
avelghasingwaaghpenasi, praise the Lord.

Ellnga quunpeng tawantaquq  
kiimsighiyaghqaaluni,

avelghasingwaaghpenasi, praise the Lord.

### Chorus

Nangllegtalghii Ataneq,  
nafughtaghtuq Kiyaghneq.

Hallelujah, praise the Lord and amen.

Nangllegtalghii Ataneq,  
nafughtaghtuq Kiyaghneq.

Hallelujah, praise the Lord and amen.

### 2

Sivuklukek tungsighlukek Agleghnalghiik  
Taghneghak, avelghasingwaaghpenasi,  
praise the Lord. Igleghutistengulukek  
unguvallemnni whani nunami,  
avelghasingwaaghpenasi, praise the Lord.

### 3

Ivaqumteggu piniqellgha  
naalkesaghqaqegkefut,  
avelghasingwaaghpenasi, praise the Lord.  
Piniqellghiinaghhaakun  
esghaghyaqeqgegkefut  
avelghasingwaaghpenasi, praise the Lord.

## 55

# Jesus-nginaghhaq Tuqlughyaghqaq

By Alqan'gi Louisa Pungowiyi

1

Jesus whangkuta yugulighistevut  
ellnginaghhiinaa. Jesus-nginaghhaq  
tuqlughyaghqaaguq ellnginaghhiinaa.

2

Yughaghlusi aaptekufsi kiimsighyaaghiisi.  
Jesus-nginaghhaq tuqlughyaghqaaguq  
ellnginaghhiinaa.

3

Kina alngunak aaptekuni kiimsighyaghqaqaa.  
Jesus-nginaghhaq tuqlughyaghqaaguq  
ellnginaghhiinaa.

4

Usuqnaghvalek Jesus Christ, usuqaqiteggu.  
Usuqnaghvalek Jesus Christ, usuqaqiteggu.

5

Hallelujah, praise the Lord.  
Glory to His Name.  
Hallelujah, praise the Lord.  
Glory to His Name.  
Amen, amen, amen, amen, amen.

56

## Taghneghak Aglehnalghiik Tuqlughagka

By Ukuma Hilda Aningayou

Taghneghak Aglehnalghiik tuqlughagka,  
aghneghmi tawani igleghthaamallemleni.  
Neghyukluku ighsaqumkun qamagun,  
qayughllak ellngan igleghutngukanga.

Praise the Lord, praise the Lord,  
praise the Lord. Igamsiqayugvikaqa Atanqa,  
Kiyaghneqa,  
qayughllak nanglletaghllak tamanganun.

57

## Usuqnaghaghmeng Kiyaghnehllak

By Nekgun Alice Kulowiyi

1

Usuqnaghaghmeng Kiyaghnehllak,  
taananginaghhaq Ighnegrhhani,  
ellngan kayagtekaa nunamun,  
yugumasqeaghlluta whangkuta.

Chorus

Ilagagtek usuqilleghmeng,  
ilagagtek nighughqelleghmeng;  
ellnginaghhaanun Kiyaghnehgmun,  
tuuniteggu nighughqelleq.



2

Usuqnaghaghmeng Kiyaghneghllak,  
allaaghlluwhaghllak yugulighillgha,  
akingilnguq avaangilnguq, itemngalghiita-  
maghhaghllaganun.

3

Usuqnaghaghmeng Kiyaghneghllak,  
Ighnaghaghmikun kuukgutestekaa,  
ellmi nighughqelleghrugllani,  
tamaghaghllaganun nunam.

4

Usuqnaghaghmeng Kiyaghneghllak,  
Ighnaghhani tuqumatkistekaa,  
allgegehtesqelluku yugulilleq,  
seghevutelleq ama naallghutelleq.

5

Igamsiqanaghaghmeng Kiyaghneghllak,  
nangllegtallgha aangehllagtuq  
talwa whangkuta sumeghtaghallemnenneng,  
aangehllagtuq nekeggmellgha.

## 58

# Ataneq, Allameng Aflengakaghtikut

By Palaghtaq Harriet Penayah

1

Ataneq, allameng aglengakaghtikut,  
Ataneq, allameng nighughqellengestikut.

Ataneq, allameng aflengakaghtikut,  
Ataneq, allameng nighughqellengestikut.

2

Ataneq, allameng aflengakaghtikut,  
Ataneq, allameng piniqellengestikut.

Ataneq, allameng aflengakaghtikut,  
Ataneq, allameng piniqellengestikut.

3

Ataneq, allameng aflengakaghtikut,  
Ataneq, allameng quyallengestaghtikut.

Ataneq, allameng aflengakaghtikut,  
Ataneq, allameng quyallengestaghtikut.

4

Ataneq, allameng aflengakaghtikut,  
Ataneq, allameng nekeggmellengestikut.

Ataneq, allameng aflengakaghtikut,  
Ataneq, allameng nekeggmellengestikut.

# 59

## Ataneghput Tuqlughraghtuq

By Nekgun Alice Kulowiyi

### 1

Ataneghput tuqlughraghtuq sangan  
avelghaqiinaghqaqesteggu?  
Tagiluta usuqelteggu,  
quulvaalteggu ellngan aatgha.

### Chorus 1

Usuqnaghalek, usuqnaghalek,  
usuqnaghalek ellngan aatgha.

### 2

Tagiluta qungughquutelta sivungakun ellngan  
aqumutagkenka.  
Tuunelteki uqigtuqat sumeghmiput  
qamanlenguut ighsaqumnni.

### 3

Ataneghput nangllegtaghllagtuq,  
kiimsighaqii aapnemteggu yughallemtteggun.  
Ighsaquput kukegtaqii ellmi  
nighughqelleghrugllagmineng.

### 4

Tagiluta usuqelteggu kayaalqiillghanun  
Calvary-mi,  
ughvullghanun ighsaqumta seghleghqellghi  
ellmi aawmineng. ➔

## Chorus 2

Usuqnaghaghmeng, usuqnaghaghmeng  
usuqnaghaghmeng ellnganaatgha.

5

Ataneghput ellnginaaguq, aneghneghput  
amallu unguvalleghput.

Tagiluta maniguulteggu sivungani ellngan  
tagilleghqaan.

*Alla atugheggusivuliq chorus-a  
Back to Chorus 1*

60

## Kinangawaqa Una Yuuk?

By Sivaaghmii Luceen Apassingok

1

Kinangawaqa una yuuk tagitikaq  
neghyulleghmeng?

Kinangawaqa una yuuk tagitikaq  
piniqelleghmeng?

Jesus Christ-a tagitikaaquq,  
tagitikaq neghyulleghmeng.  
Jesus Christ-a tagitikaaguq,  
tagitikaq piniqelleghmeng.



**Chorus**

Hallelujah, hallelujah, ha, ha.  
Hallelujah, hallelujah.  
Hallelujah, hallelujah, ha, ha.  
Hallelujah, hallelujah, ha.  
Hallelujah, hallelujah, ha, ha.  
Hallelujah, hallelujah.  
Hallelujah, hallelujah, ha, ha.  
Hallelujah, hallelujah, ha.

2

Kinangawaqa una yuuk tagitikaq  
nekeggmelleghmeng?  
Kinangawaqa una yuuk tagitikaq  
yugulilleghmeng?  
Jesus Christ-a tagitikaaguq,  
tagitikaq nekeggmelleghmeng.  
Jesus Christ-a tagitikaaguq,  
tagitikaq yugulilleghmeng.

3

Kinangawaqa una yuuk tagitikaq  
quyalleghmeng? Kinangawaqa una  
yuuk tagitikaq kayaalqiileghmeng?  
Jesus Christ-a tagitikaaguq,  
tagitikaq quyalleghmeng.  
Jesus Christ-a tagitikaaguq,  
tagitikaq kayaalqiileghmeng.

# 61

## Itagnaghtuq Taghneghamni It

*Is Well With My Soul*

Tr. Mikaghqaq Elinor Oozeva & Nighugun David Shinen

1

Igleghneqa nekeggmellelguyaghngaan  
nalighmeng qivghungughngaaghma  
natesaghngaaghma apeghtuqaqaanga  
itagnaghtuq, itagnaghtuq, taghneghamni.

Chorus

Itagnaghtuq taghneghamni; itagnaghtuq,  
itagnaghtuq taghneghamni.

2

Satan-em sughugngaanga  
nanghiiqualleghmeng, alingnaanghitunga  
qayughllak Christ-am esghaqaqaa  
kayaatelleghllaka.

Enkaam tuqukaaguq taghneghamnun.

3

Quyanalghiimeng sumeghtaghallengunga,  
seghleghqellghenka qaquaatii,  
puygunaqanka, suumqaannanighnaqanka.  
Usuqigu Ataneq, taghneghamni.

4

Ataneq elpek tagiyaghqaaguten,  
utaqiigukut elpeneng,  
eshaghllaqamken whangkuta iyemnneng,  
enkaangam itagnaghtuq taghneghamni.

## 62

### Whanga Taawa

By Siftuun Clifford Annogiyuk

Whanga taawa esghaghtunga whani pillemni,  
igleghallemleni.

Avangitunga kayutngitunga iwernga whanga  
tungsightunga.

Maateghhaq tagivaghhaa, avangilnguq  
akingilnguq, quyanalghii.

Ellngan Aatgha quulvaghaqa, anglistaqa.

## 63

### Esgaghhu Penniigha Kiyaghnehem

*Look to the Lamb of God*

Tr. Mikaghaq Elinor Oozeva

1

Seghleghqelleghpeneng itemyukuvek,  
esghaghhu Penniigha Kiyaghnehem;  
yugulinaluten tuqukaq Calvary-mi,  
esghaghhu Penniigha Kiyaghnehem.

#### Chorus

Esgaghhu Penniigha Kiyaghnehem.  
Esgaghhu Penniigha Kiyaghnehem.  
Ellnginaghaghmi yugulinaaghaaten,  
esghaghhu Penniigha Kiyaghnehem. ■■■

2

Satan-em nanghiqupiggneghaten,  
esghaghhu Penniigha Kiyaghneghem;  
iknaqellghakun kayaalqennaaghan,  
esghaghhu Penniigha Kiyaghneghem.

3

Meghnughaqsiin? Tumen taakepigtaa?  
Esghaghhu Penniigha Kiyaghneghem;  
piniqellghakun quyalleguten,  
esghaghhu Penniigha Kiyaghneghem.

4

Alingegpenang tumen piyaqnaqan,  
esghaghhu Penniigha Kiyaghneghem;  
maghyaghqughnaaghaaten tumegpeni,  
esghaghhu Penniigha Kiyaghneghem.

## 64

### Jesus Ukignaquq

By Papelek Woodrow Malewotkak

Jesus ukignaquq whangkunnun,  
tamaghhaanun ukignaquq.

Yataaghqutelteggu ellnga, ukignaqelghii  
whangkunnun. Quyanaghhalek,  
quyanaghhalek ukikan payeghlleqaghput.

Tamaghhaa yughaghli, aapli,  
tungsighli ellnganun, yughaghli tungsighli.

Tamaghhaa quyali,  
ukikan nunamun payeghyaghqaqaghput  
Ellnga.  
Tamaghhaa aapli, tamaghhaa yughaghli  
ellnganun, tagivagilgan.

## 65

### Jesus Whanga Yugulighisteka

By Mekeneghsie Ronald Kingeekuk

#### Chorus 1

Jesus whanga yugulighisteka,  
nangllegyaguteqaghtinga Kiyaghnehgllak.  
Igleghusaghqaaluku kayagusan,  
atuqnaqsaghqaaluku qelghusan.

#### 1

Igamsiqanaghllaggaghmeng Kiyaghnehgllak.  
Sangiighhaq tamaghhaan apeghiiqaqegken.  
Pinipiglluku apeghiiqaqegken  
yugni whangkuta nangaghallehpetun.

#### 2

Igamsiqanaghllaggaghmeng Kiyaghnehgllak,  
ukigtestekaqegken  
Ighneghen nunataghllaganun,  
yugulighistenguluku kitumun alngunak  
tugukliisqelluku. ➡

3

Igamsiqanaghllaggaghmeng Kiyaghnehllak  
kayagtekaqegkegken  
Taghneghagken whangkunnun  
kayutkaghqaalukek,  
kitumun alngunak tugukliisqelluku.

4

Usuqnaghllaggaghmeng Kiyaghnehllak  
allaaghlluwhaghllaguuten  
Ellnginaghpek.  
Nekeggmetellelighluta utaqiisteqaghtikut  
Ataneghpagulleghpek  
taginqigtesleghqaanun.

Chorus 2

Jesus whangkuta yugulighistevut  
nangllegyaguteqaghtikut  
Kiyaghnehllak.  
Igleghusaghqaaluku kayagusan,  
atuqnaqsaghqaaluku qelghusan.  
Amen.

**66**

## **Usuqnaghaghmeng**

By Anangiq Elfie Apatiki

**1**

Usuqnaghaghmeng Kiyaghnehllak,  
usuqnaghaghmeng Atavut,  
akuziteten ipelghiit.  
Usuqnaghaghmeng  
Kiyaghnehllak.

**2**

Usuqnaghaghmeng Kiyaghnehllak,  
allaaghlluwhaaguq piniqellghen.  
Piniqellghen kayaallqiikaq;  
kayaalqiikaq tuqulleghmeng.

**3**

Usuqnaghaghmeng Kiyaghnehllak,  
allaaghlluwhaaguq peghqennellghen.  
Peghqinellghen kayaalgqiikaq;  
kayaalqiikaq anguyagmeng.

## Kiyaghneghhiinaaguq

By Akumutaaq Ruthelle Kingeekuk

1

Nunami maani avangitukut,

Kiyaghneghhiinaaguq.

Manigughteggu ellnginaghhiinaa.

Kiyaghneq aangeghllagtuq.

Chorus

Manigughteggu ellnginaghhiinaa,  
avangitukut saaghwakun.

Jesus-nginaghhaq megnunaghllagtuq,  
Yugulighistenga tamaghaghlagan.

2

Usuqiteggu ellnginaghhiinaa  
quulvallelighllagluku.

Usuqsaghqaaguq manigughyaghqaaguq,  
Kiyaghneq aangeghllagtuq.

3

Aangeghllagtuq tuunisteghllak.  
Tuunkaa Ighneni whangkunnun.

Calvary-mi tuqumatkiiq  
seghleghqelleghllamnnun.



4

**Yataaghqitek tagillegħqaanun,  
elpesi Yugulighistegpesi.**

**Tuunateki unguvallesi Jesus-mun sivungani  
tagillegħqaan.**

5

**Tagħnēħagħkenka igleghulleqiisi  
negħyukegħkufsigu.**

**Akequ saa aangeħħallagtuq,  
quunperugħħallak unguvalleq.**

6

**Igamsiqayugvikamken Kiyaghnejħillak  
ilagaatmeng maaken.**

**Pinipigglehiit akuziteten tuunegketen  
tamaghħħaghħillaganun.**

**68**

## **Piniqepigtaqa Jesus**

By Imengaawen Daisy Kulowiyi

**Whanga piniqepigtaqa Jesus, Jesus, Jesus.  
Qayughħħallak ellngan whanga piniqepigtaanga.  
Whanga piniqepigtaqa Jesus.**

**69**

## Kiyaghtaaq Jesus-mun

*Living for Jesus*

Tr. Penapak Estelle Oozevaseuk

**1**

Kiyaghtaaq Jesus-mun unguvalleq ipapik.  
 Quyasnaqaqa tamaghhaakun pillemkun,  
 ataasiighnegrhulunga, quyangaghma,  
 ilemngaghma,  
 tawaten tuumnguuq quyastilleghmeng  
 whangamnun.

**Chorus**

Jesus Ataneq Yugulighista, tuununga  
 elpenun. Naveghqellilleghpegun tuunuten  
 whangamnun.

Alla umiilgitunga, ighsaquqa aqumutan,  
 unguvalqallu tuunaqaqa,  
 Christ ellnginaghpenun.

**2**

Kiyaghtaaq Jesus-mun, tuqukaaguq nemkun.  
 Igleghutkaa Calvary-mi seghleghqelqa,  
 piniqellghem akitestaa tuqlullgha.  
 Maliglluku maghyaghqullgha tuununga  
 qamagllunga.

**3**

Kiyaghtaaq Jesus-mun naansaghngaaghma  
 whanga. 

**Qepghaatilunga agleghnalghiikun aatghakun,  
ikfiqsuglunga, iflayuglunga,  
tamaghhaan nanghiiqulleq ilalluku  
qaquuramnun.**

4

**Kiyaghtaaq Jesus-mun nunami  
natengiighhaq.**

**Aklungighlluwhaqa nighuga iqengellghan.  
Ivaghluki iflakat tuqutkegkaqii,  
tagitkii meghnulghiit meghnaalilleghmun  
ellminun.**

## 70

### **Zaccheus-nguk Yusluvegaghhaq**

*Zaccheus Was a Wee Little Man*

Tr. Ayuqi Ora Gologergen

**Zaccheus-nguk yusluvegaghhaq,  
yusluvegaghhaq ellnga;  
mayumalghii Sycamore-mun uqfigmun  
Ataneq esghaghnaluku.**  
**Enkaam Ataneq naghughsami,  
quulmun esghaamalghii ama piiq,  
“Zaccheus, ukigi! Inqun laalighthnaqunga  
aghneghmi,  
inqun laalighthnaqunga aghneghmi.”**

## Nunan Teghigniquusii

By Nekgun Alice Kulowiyi

1

Nunam teghigniquusii  
 maligsaghqaqenghitaghput qayughllak  
 tumanga mamlelghii pininghilnguq.  
 Taakunginaghhaagut Jesus-em tumangi  
 maligsaghqat,  
 esleqngalghiit nighugmeng  
 quyangalleghmeng.

### Chorus

Jesus-nginaghhaaguq tuumkaghqaghput  
 qilagmun,  
 alla saaghwakun  
 tuumkaghqiitukut.

Tagilaghaatelta tumanganun nighulghiinun  
 esghaghyaghqaaghhsnaluki piniqegkaput.



2

Yughaghluta iiwleng malghuklillngunaamta.

Nekegluku Kiyaghneq ighsaqumteggun.

Kiimsighyaghqaqiinkut  
avelghaghnaanghitiinkut,  
aangeghllagtuk Kiyaghneq  
nangllegtaghllagtug.

3

Quyanaghalek kiimsiqaki yughalleput.  
Aglaghyaghqaaghhaqelghiikut ellnganun,  
qayughllak yughallemtteggun aaptekefut  
ellnga seghevutesqelluta  
seghleghqellemnneng.

4

Naafqesaghqaqenghitaa ellmi akequsani,  
igaqegkaq taaggun igaakun unguvallhem.  
Jesus taginqigsaghqaq,  
tuqukat unguvaghtuuusaghqat,  
qerngughulluta payeghyaghqaghput Ataneq.

5

Igamsiqayugvikamken ilutughsaasiq  
tagivaqen nengilgutkesaghqaaluku  
anglegutemnun.

Igamsiqayugvikamken usuqillelighluku.  
Quulvaghaqaaatghen Ataneq.

# Qelpeghutikut Negekraganeng Unguvallghem

*Break Thou the Bread of Life*

Tr. Llaagilnguq Victor Campbell

1

**Qelpeghutikut neqekraganeng unguvallghem  
megnunalghii Atanemni.**

**Aavgulleghpetun loaf-a meghem saningani.**

**Aglehnalghiitgun qukfightekatgun  
ivaghakken Ataneq.**

**Taghneghagka pekaghtuk elpenun,  
kaay akuzita unguvalghii.**

2

**Quyastigu ipalleq megnunalghii Ataneq  
whangamnun, whangamnun.**

**Quyastelleghpetun neqekrak Galilee-mi.**

**Enkaam asighqumalleq  
itemli qamaglluni ifkaghli.**

**Naalkellakun nekeggmelleq  
whangamni qamagtengngwaaghlu.**

3

**Elpek neqekrakaaten unguvallghem kaay  
Ataneq whangamnun.**

**Ukmangilnguq, ipa akuzilleq,  
yugulilleq whangamnun.**

**Tuuninga neghyaghqameng unguvameng  
pamaken elpeneng.**



Apeghtungnga piniqelleghmeng,  
ipalleghpeneng inqun piniqellghuuten.

4

Kaay kayagtikek Taghneghagken Ataneq  
whangamnun.

Saaftikek iyegka ama esghaghtestinga.  
Kelgutigu ighnillgha ipallghem akuzitegpeni.  
Igaghpeni aliighli, esghaghqa Ataneq.

## 73

### Ungipamsukellghiinaghaghqun Qaquuraq Esghaghqa

By Pangawy i Ivan Pungowiyi

Ungipamsukellghiinaghaghqun qaquuraq  
esghaghqa.

Esghaghymkun seghleghqelqa  
sumeghtaghaatkaqa.

Jesus-emlli qaquuramikun seghleghqelqa  
agaghutkaqagu.

Quninka ifkaghtut apalluqluku  
yugulikanganga.

Qunituumaghma qungughtunga Ataneq  
Jesus, Jesus.

Igamsiqayugtunga Ataneq Jesus, Jesus.

Quulvaghanken Ataneq Jesus, Jesus.

Atanqamken Ataneq Jesus, Jesus.

## Quyali Tamaghhaa

By Tuusugun Dorcas Bloom

### Chorus

Quyali tamaghhaa, quyali nunataa,  
 allgeghullghii umiilegmeng aghnegrmi.  
 Usuqillelighllagluku quyali tamaghhaa,  
 allgeghullghii umiilegmeng aghnegrmi.

1

Una taghnughaghhaq allgelghii  
 whangkunnun,  
 tagitinaluni piniqelleghmeng,  
 qelpeghhnaluki tumeput pamavek qilagmun,  
 quyallegmun qivghungilngughmun.

*To Chorus*

2

Talwa ellnga allgegnaqsami nunamun,  
 ighsakaataqesiqaq tamanganun.  
 Teghikusat akulngitni allgeqaq  
 whangkunnun,  
 allighaqluni vegaaghaghmeng.

*To Chorus*



**Talwa qilagem ighaleqetaaghan  
kukegtekaa quulvam angtalanganeng  
Ataneghpak.**

**Nughughqelleq kuukgutkaq allgeghaqsan  
umiilegpak,  
enkaam qilagem yaqulgi ilagaqat,  
“Nughughqelleq Kiyaghneghmun,  
quulvantelleq qilagllagmun,  
ama nekeggmelleq nunamun.”  
Usuqillelighllaghluqu quyali tamaghhaa,  
allgeghullghii  
umiilegmeng aghnegrhmi.**

*To Chorus*

**Quyalleq Nunamun***Joy to the World*

Tr. Mikaghaq Elinor Oozeva &amp; Nighugun David Shinen

1

**Quyalleq nunamun, Ataneq tagiiq!**

Nunam tuguligu umiilenu.

Tamaghaghmi ighsaqum yataaghqulligu  
 nekaghqameng,  
 qilaklu nunallu ilagaghli,  
 qilaklu nunallu ilagaghli,  
 qilaklu nunallu ilagaghli.

2

**Quyalleq nunamun Jesus igleghutiiq!**

Yuget ilagaghlit,  
 naayghatlu, meqlu, kiiwetlu,  
 iimneqlu, qilawaaghetlu,  
 akiingqwaghtaghlitgu, akiingqwaghtaghlitgu,  
 akiingqwaghtaghlitgu quyallegteng.

3

Seghleghqellghet anglistegpenaki,  
 talwa sikughlluget.

Tagikaguq tuunaluku tamanganun  
 quyastelleq,  
 naansaghngaan seghleghuesta,  
 naansaghngaan seghleghuesta,  
 naansaghngaan, naansaghngaan  
 seghleghuesta.



Nuna iglehutaa ipapighqelleghqun,  
piniqelleghqunllu.

Nunam yugan usuqligu ellngan pinitun  
pillghanun.

Allaaghlluwhaq piniqellgha,  
allaaghlluwhaq piniqellgha,  
allaaghlluwhaq, allaaghlluwhaq piniqellgha.

## 76

### Ugpelqa Quulmun Elpenun Esgħagħtuq

*My Faith Looks Up to Thee*

Ugpelqa quulmun elpenun esqħagħtuq,  
Calvary-m Penniighagħhaa,  
Yugulighista Kiyaghnejhsugħilnguq.  
Nagaqughaa yughagħlunga,  
tamaghħhaan seghleqħqelqa awiiteqagħtigu.  
Kenlekluku whaken aghnēgħmeng  
iingunaghma piliiteqagħtinga.

## **Ilagaghtek**

By Akumutaaq Ruthelle Kingeekuk

1

**Ilagaghtek quyastelleghllaganeng,  
 kuukguteggu quyastelleghllaga,  
 ilagaghtek quyastelleghllaganeng,  
 ilagaghtek keputngunaan.**

2

**Ilagaghtek, usuqitek, quulvaghitek,  
 igamsiqayugtek.  
 Ilagaghtek tunusaqellghaneng  
 Yugulighistegpesi.**

3

**Ilagaghtek, ilagaghtek, usuqitek, usuqitek,  
 quulvaghitek,  
 quulvaghitek igamsiqayullelighlusi.**

4

**Ilagaghtek nangllegtalleghllaganun,  
 nangllegtalleghllaganun,  
 ulimaghistegpesi.**

**Ilagaghtek nangllegtalleghllaganun,  
 ilagaghtek keputngunaan.**



5

Ilagaghtek, usuqitek, quulvaghitek,  
igamsiqayugtek.

Ilagaghtek tunusaqellghaneng  
Yugulighistegpesi.

6

Ilagaghtek, ilagaghtek, usuqitek, usuqitek,  
ilagaghtek,  
ilagaghtek igamsiqayullelighlusi.

7

Ilagaghtek piniqelleghllaganeng.  
Kuukguteggu piniqelleghllaga.  
Ilagaghtek piniqelleghllaganun.  
Ilagaghtek keputngunaan.

8

Ilagaghtek, usuqitek, quulvaghitek,  
igamsiqayugtek.  
Ilagaghtek tunusaqellghaneng  
Yugulighistegpesi.

9

Ilagaghtek, ilagaghtek, usuqitek, usuqitek,  
quulvaghitek,  
quulvaghitek igamsiqayullelighlusi. ➔

10

**Ilagaghtek nighughqelleghllaganun,  
kuukguteggu nighughqelleghllaga.  
Ilagaghtek nighughqelleghllaganun,  
ilagaghtek keputngunaan.**

11

**Ilagaghtek, usuqitek, quulvaghitek,  
igamsiqayugtek.  
Ilagaghtek tunusaqellghanun  
Yugulighistegpesi.**

12

**Ilagaghtek, ilagaghtek, usuqitek, usuqitek,  
quulvaghitek,  
quulvaghitek igamsiqayullelighlusi.**

13

**Ilagaghtek, usuqitek.  
Taghneghasi usuqilit.  
Ilagaghtek, usuqitek.  
Taghneghasi usuqilit.**

14

**Ilagaghlit, usuqilit, quulvaghilit,  
igamsiqayuglit.  
Ilagaghtek kenlengunaan.  
Taghneghasi usuqilit.**



15

**Ilagaghtek, ilagaghtek, usuqitek, usuqitek,  
ilagaghtek,  
ilagaghtek igamsiqayulleighlusi.**

16

**Ilagaghtek, usuqitek, quulvaghitek  
Taghneghagkenkun.  
Ilagaghtek, usuqitek,  
quulvaghitek Taghneghagkenkun.**

17

**Ilagaghtek, usuqitek, quulvaghitek,  
igamsiqayugtek.  
Ilagaghtek tunusaqellghaneng  
Yugulighistegpesi.**

18

**Ilagaghtek, ilagaghtek, usuqitek, usuqitek,  
quulvaghitek,  
quulvaghitek igamsiqayulleighlusi.**

## 78

# Igamsiqanaghllaggaghmeng

By Qigen'gu Gertrude Toolie

### 1

Igamsiqanaghaghmeng Kiyaghneghllak,  
yataaghqutaqegkanginkut.  
Aghnegrmi elpek tuunaqegken atughqaq  
whangkunnun.

### Chorus

Igamsiqanaghllaggaghmeng,  
usuqnaghllaggaghmeng.  
Uglapiglluku tuunilleghpegun  
quyastaqegkefkut.

### 2

Igamsiqanaghaghmeng Kiyaghneghllak,  
apeghiighutaqegkanginkut.  
Akugaaq agani,  
aghnegrmi tunusaa ayuquq qavangustun.

### 3

Igamsiqanaghaghmeng Kiyaghneghllak,  
neghyukaqegkemken.  
Unaamilleghqaghput ugpeqaqaghput  
esghaghwaalghiistun.      ■■■

Igamsiqayugvikaqamken Kiyaghneq  
 aghnaghaghaghaghmeng,  
 ilagalgsighaqaaanga elpenun kaay  
 Kiyaghneghllak.

## 79

**Ataneq Jesus Christ-a Ellnginaaguten  
 Tagitikaq**

By Qigen'gu Gertrude Toolie

Ataneq Jesus Christ-a ellnginaaguten  
 apeghiighutikaq.  
 Tagitikaq nunataanun tunusameng  
 Kiyaghneghmeng.  
 Usuqamken, usuqamken,  
 Ataneq Kiyaghneq aangehllagtuten.

*Alla maalghugegneng atughteggu  
 Repeat 2 more times*

## 80

### Atanqa Kiyaghneqa Usuqsugaqa

By Pangawy i Ivan Pungowiyi

Atanqa Kiyaghneqa usuqsugaqa, qayughllak  
yugulikaqegkanganga.

Yugulighisteka Atanqa usuqsaghqaqa,  
usuqsaghqaqa quunperughllak.

Qivghullengnemni ighsaqumkun,  
kanaghfikaanga quyasighqameng.

Legan, legan, Atanqa usuqsaghqaqa.

Hallelujah, hallelujah,  
glory, glory to His Name.

Hallelujah, hallelujah,  
glory, glory to His Name.

Hallelujah, hallelujah,  
glory, glory to His Name.

## 81

### Ayaangalghii Ighsaquqa

By Puughhun Dorothy Waghiji

1

Katam whanga iyegemneng esghapalqa  
amugmetuq, whateghllugaaq  
esghiigatunga. Natetami ighsaquma  
esghapallgha tungegpenun nallukaqa,  
liisimakan.



Tuunaqa ighsaquqa ayaangalghii,  
qelpeghtigu.  
Taghneghagka elpekestikek.

2

Jesus una ighsaquqa ughugtigu uyghagestun.  
Esghaghakun piniqingallghen.  
Qusevegmetelleghllagen,  
ataasiighmetelleghllagen,  
nangllegtallghen apeghiighngalghii.  
Whateghllugaaq esghaghakun,  
nalluneqsugumalunga tumegpegun  
tasluqaghtinga.

3

Naqamalla elpek esgha  
avelghasingwaaghigalnguq,  
nagatkayuk tungsighrallemneng.  
Upughatikayuk,  
elpek kiimsighikayuk quunpeng.  
Taniillghilnguq tamapiggaanun.  
Wata, wata ighsaqumnun  
whavek, tevughastikayuk piniqelleq  
qallaqulghiistun.

## 82

### Allangughtaqnganga

Tr. Llaagilnguq Victor Campbell

#### 1

Umyugamtun ayuqlunga yughiigasalghiinga,  
iwernga tagiluni allangughtaanga.  
Piniqepigtanga, tuqumatkegkaqaanga.  
Iknaqellghan allangughtekaqaanga.

#### Chorus

Allangughtaa kiyaghtaaq.  
Apeghtugaanga yughalleghmeng.  
Ungipaqnaqa piniqellgha nekaghqaqa,  
qayughllak  
qamagllunga allangughtaanga.

#### 2

Piniqellhem, quyallghem imighaa  
ighsaquqa,  
tagiluni allangughtaqsaminga.  
Kiyaghsaghqaaghtunga taaggun Christ-akun.  
Nangllegtallhem allangughtekaqaanga.

#### 3

Seghleghquestengulunga, nekeggmellghillunga  
Jesus-em tagiluni allangughtaanga.  
Nekeggmellengunga  
palighyaghqaanghilmeng.  
Yugulighistema allangughtaanga.

## 83

# Jesus-em Tuqlughraghiinkut

By Alqan'gi Louisa Pungowiyi

### 1

Jesus-em tuqlughraghiinkut ellminun  
tagisqelluta.

Quunperugllak unguvalleghmun  
kenlengilngughmun avangilngughmun.

### Chorus

Usuqnaghalek Kiyaghneq,  
usuqnaghalek Ighneq,  
usuqnaghalek Taghneghak,  
usuqnaghalek Pingayut.

### 2

Jesus-em tenglugtugiinkut qamagun  
ighsaqumteggun.

Sangan tusaqenghisteggu?  
Sangan qelpeghunneghisteggu?

### 3

Jesus-em piyukaqiinkut ellminun  
qiivesqelluta,  
una seghleq  
tunulluku atughput whani nunami.

## 84

### Usuqamken Atanegħllak

By Alqan'gi Louisa Pungowiyi

1

Usuqamken Atanegħllak,  
igamsiqayugvikamken.  
Quulvagħhaqa aatghen Ata.  
Igamsiqayugvikamken.

2

Usuqamken Kiyaghnejħħllak,  
igamsiqayugvikamken.  
Quulvagħhaqa aatghen Ata.  
Igamsiqayugvikamken.

3

Usuqamken Atanegħllak,  
igamsiqayugvikamken.  
Quulvagħhaqa aatghen Ata.  
Igamsiqayugvikamken.

# 85

## Ataneq Tagiinga

*Lord, I'm Coming Home*

Tr. Nguungaya Edward Gologergen

1

Uyaavaghtunga Kiyaghneghmeng,  
maaten tagiinga,  
tumanga seghlellghem taakuq tutmalqa,  
Ataneq tagiinga.

Chorus

Tagiinga, tagiinga, iqisaghqaafqaama.  
Qelpeghtigu talligpek piniqellgha,  
Ataneq tagiinga.

2

Sakusiiqaqa uglalghii uksulleq,  
maaten tagiinga;  
avuteghqunga qunituumaghma,  
Ataneq tagiinga.

3

Meghnuutkaqa seghlelleq, iqitngalleq Ataneq,  
maaten tagiinga;  
neghyukaqa piniqellghen,  
ugpeqaqa akuziten, Ataneq tagiinga.

4

Taghneghaqa tuquyugtuq, ighsaquqa  
ikfiquq; maaten tagiinga;  
iknaqughhneqigtunga, neghyunqigtunga,  
Ataneq tagiinga.

## 86

### Ataneq Jesus

By Apangaluq John Apangalook

Ataneq Jesus neghyuknaqamken aghnegrmi  
whani itaghnatun.

Ataneq Jesus yughaghnaqunga aghnegrmi  
whani itagnatun.

Ataneq Jesus nafughtaghllak,

Ataneq Jesus nangllegtalghii  
tamaghhaanun talwa whangamnun.

Ataneq Jesus nangllegtalghii.

## 87

### Whanga Elpesi Ungipaannaqamsi

By Siftuun Clifford Annogiyuk

Whanga elpesi ungipaannaqamsi

tagilleghqama sivungani,

nunataghllaganun, tamaghaghllagnun  
esghaghyaghqaalunga whanga.

Tamaakut qavalghiit, naanlenguut tamaakut,  
esghaghyaghqaqaatnga

whanga. Quyanaghllaggaghmeng,  
usuqnaghllaggaghmeng

Ataneghpagrrukutaaghllak.

Amen, amen, amen, amen.

## 88

# Igamsiqayugvikamken Ataneq

By Agnaga Mary Ann Wongittilin

1

Igamsiqayugvikamken Ataneq.

Igamsiqayugvikamken Ataneq.

Igamsiqayugvikamken Ataneq.

Tuunaqegkefkut piniqelleghmeng.

2

Igamsiqayugvikamken Ataneq.

Igamsiqayugvikamken Ataneq.

Igamsiqayugvikamken Ataneq.

Kelgutaqegken  
aghtughyaghqaanghillghen.

3

Igamsiqayugvikamken Ataneq.

Igamsiqayugvikamken Ataneq.

Igamsiqayugvikamken,  
igamsiqayugvikamken,  
igamsiqayugvikamken Ataneq.

## Tagilaghaatek Whangamnun

By Yaghpana Robert Annogiyuk

**Jesus Christ-am piinkut whangkuta,**

“**Tagilaghaatek whangamnun,**

**maaten whaa tagitek whangamnun,**

**tagilaghaatek whangamnun.**

**Seghevunnaghamsi qamagllusi,**

**tagilaghaatek whangamnun.**

**Quyasnaaghamsi qamagllusi tagilaghaatek  
whangamnun.**

**Kayusiinnaaghamsi qamagllusi tagilaghaatek  
whangamnun.**

**Piniqeghllagamsi qamagllusi tagilaghaatek  
whangamnun.”**

**Jesus Christ-am piinkut whangkuta,**

“**Tagilaghaatek whangamnun,**

**maaten whaa tagitek whangamnun.**

**Tagilaghaatek whangamnun.**

**Aqfalleqamsi qakungiighhaqun,**

**tagilaghaatek whangamnun.**

**Mayuulleqamsi Atamnun,**

**tagilaghaatek whangamnun.”**

**Jesus Christ-am piinkut whangkuta,**

“**Tagilaghaatek whangamnun,**

**maaten whaa tagitek whangamnun.**

**Tagilaghaatek whangamnun,**

**tagilaghaatek whangamnun,**

**tagilaghaatek whangamnun.”**

## 90

### Ighaleqetaaq Kuukgutuq

By Pangawy i Ivan Pungowiyi

#### 1

Ighaleqetaaq kuukgutuq,  
asivaam tungangakun.  
Kiyaghnehem kelgutusii,  
Ataneghpak allgeeghtuq aghnegrmi.  
Quulvaghteggu, manighghteggu, usuqiteeggu.  
Quulvaghteggu, quulvaghteggu,  
manigughteggu, quyanagh'halek Ataneghpak.  
Quulvaghteggu,  
manigughteggu, usuqnagh'halek Ataneghpak.

#### 2

Whangkutestun ayuqluni ukigtuq,  
ipa, ipa allgeeghtuq  
whangkutestun. Ighaleqetaaq kuukgutuq  
Kiyaghnehem kelgutusii.  
Quulvaghteggu, manigughteggu, usuqiteeggu.  
Quulvaghteggu, quulvaghteggu,  
manigughteggu, usuqnagh'halek Ataneghpak.  
Quulvaghteggu,  
manigughteggu, usuqnagh'halek Ataneghpak.

# 91

## Taawa Ipa Avangituq Nunami Maani

By Nekgun Alice Kulowiyi

### 1

Taawa ipa avangituq nunami maani  
quyastelleghmeng,  
Jesus-nginaghhaaguq quyastelleq.  
Talwa ipa avangituq nunami maani  
piniqelleghmeng,  
Jesus-nginaghhaaguq piniqelleq.

### 2

Taawa ipa avangituq nunami maani  
yugullilleghmeng,  
Jesus-nginaghhaaguq yugulighista.  
Talwa ipa avangituq nunami maani  
neghyuksaghqaameng,  
Jesus-nginaghhaaguq neghyuksaghqaq.

### 3

Taawa ipa avangituq nunami maani  
ilakumtaaghmeng,  
Jesus-nginaghhaaguq ilakumtaaq.  
Talwa ipa avangituq nunami maani  
nangllegtalleghmeng,  
Jesus-nginaghhaaguq nangllegtalghii. ➤

Taawa ipa avangituq nunami maani  
unguvalleghmeng,  
Jesus-nginaghhaaguq unquvalleq.  
Talwa ipa avangituq nunami maani  
anehneghqameng,  
Jesus-nginaghhaaguq anehnegrput.

92

# **Jesus-em Piinga**

**By Siftuun Clifford Annogiyuk**

Jesus-em piinga aghnaghmi,  
Jesus-em piinga aghnaghmi,  
Jesus-em piinga aghnaghmi,  
“Yakughniighyaghngaaghpek,  
anuqliighyaghngaaghpek,  
kiimsighyaghqaqamken maateghhaq.  
Tuumkaghqaq uukna ulimalleqaqa  
sumeghmiksacuynqa gamagun

Alingnaqegpenang neghyukinga whanga  
kayusighlleqamken quunpeghllak.”  
Whanga taawa igamsiqayugtunga  
tunusangnemni elpeneng.  
Usuqnaghaghmeng, usuqnaghaghmeng  
usuqnaghaghmeng quunpeghllak.  
Amen.

93

## Kiyaghnehem Piniqellgha

By Agnaga Mary Ann Wongittilin

1

Kiyaghnehem piniqellgha ukikaaguq  
qilagmeng.

Kiyaghnehem piniqellgha whangkunnun.  
Piniqluki ilasi, kuukgulluku piniqelleq.  
Ukmangilnguq nangllegtalghii piniqelleq.

Chorus

Kiyaghnehem piniqellgha ukmangilnguq,  
nangllegtalghii piniqelleq.  
Kiyaghnehem piniqellgha kayagusaa  
aangelleghpigaq whangkunnun.

2

Kiyaghnehem piniqellgha kuukgutkaaguq  
qilagmeng,  
mamlelghii nuna esleqaa nighugmeng.  
Piniqluki ilasi kuukgulluku piniqellgha,  
ukmangilnguq nangllegtalghii piniqelleq.

3

Ataneq yughaghtunga maniguutunga  
elpenun.

Yeqay iyegka ayuqlik Jesus-mun.  
Umegkek sigutegka seghleghaneng nunam.  
Yeqay atuqlakun piniqellgha Kiyaghnehem.

**94**

## **Yughaq Uukna**

By Papelek Woodrow Malewotkak

**Yughaq uukna pitepiguuq.**

**Tagiinga, tagiinga Jesus-mun.**

**Aygughyaghqaanghitsuq, ipapestagaaghllaguuq.**

**Tagiinga, tagiinga Jesus-mun.**

*Alla atughteggu*

*Repeat*

**95**

## **John 3:16**

By Qagughmii Nathan Noongwook

**Kiyaghnehem piniqem**

**angtalanganeng nuna,**

**ellngan tuunaa tananginaghhaq Ighneni.**

**Kina alngunak ugpeqikuni,**

**iflayaghqaanghitsuq.**

**Allgeghsaghqaa kenlengilnguq unguvalleq.**

*Pingayuneng atughluku, naanehani alla atughnakesi*

*kingulighpaq line-a maalghugegneng*

*Sing 3 times—at the end, repeat the last line 2 times*

**96**

## **John 14:6—Jesus Piiq**

By Wamiiyaq Susan Campbell

Jesus piiq,  
“Whanga tuumnguunga, ipapillghuunga,  
unguvallghuunga.  
Kina yuuk taginaanghituq  
Atamun  
wetkuqun whangamkun.”

# Ayumightaq Uyghak

*Rock of Ages*

Tr.Wamiiyaq Susan Campbell

## 1

Ayumightaq uyghak qelpeghutinga,  
iightestinga elpenun.

Meghemllu aawemllu sanigpeneng  
maaqegkam.

Nallghusaghliki seghleghqellghenka.  
Yugulinga aghyuulleghmeng, umangighnga.

## 2

Quninka maaqnaqaat quunpeng?

Pinaqelqa, kayaatelqa nallukligu.

Seghleghqellghenka naveghqellinaanghitut.

Ellnginaghpekk Yugulighistenguuten.

Liggemni avaqragsiitunga  
taawanginaq qaquuraghpenun nuqneghtunga.

## 3

Aneghtengngulunga quneqtekuma tuqumun  
makellequnga nunami nallukegkamni.

Esgaghll eqamken umiilgumalleghpeni.

Ayumightaq uyghak qelpeghutinga,  
iightestinga elpenun.

## 98

### Nepugilnguq Unuk

*Silent Night*

Tr. Mikaghaq Elinor Oozeva & Nighugun David Shinen

1

Nepugilnguq unuk, agleghnalghii unuk,  
nekeggmelnguq,  
nighulghii uvitnga naamllu taghnughhaamllu,  
agleghnalghii taghnughhaq nepugilnguq,  
qavalghii nekeggmelleghqun,  
qilagem nekeggmellghakun.

2

Nepugilnguq unuk, agleghnalghii unuk,  
penniighniightet  
quupkaghtut esghaghluку ighaleqetaaq,  
yaqulget ilagaghtut, yugulighista allgeeghtuq,  
Christ-a allgeeghtuq.

3

Nepugilnguq unuk, agleghnalghii unuk,  
ighaleqetaaq nighugtikut,  
ilagaalta yaqulegteggun,  
usuqnaghhalek umiilemnun,  
Yugulighista allgeeghtuq,  
Jesus allgeeghtuq.

**99**

## **Jesus-em Apeghiiqaqaa**

By Mekeneghsı Ronald Kingeekuk

**1**

**Jesus-em apeghiiqaqaa whangkunnun  
seghleghqestenun,  
tawani Mt. Calvary-mi tuunaqngamigu  
yugusini.**

**2**

**Jesus-em apeghiiqaqaa whangkuta  
seghleghqellelugllamnnun,  
tuunegcaa yugusini tawani qaquurami.**

**3**

**Jesus-em apeghiiqaqaa nunataghhaan  
seghleghqellgha,  
aagtuaqngami whangkunnun asingakun  
qaquurami.**

**4**

**Jesus-em apeghiiqaqaa whangkuta  
seghleghqelleghput.**

**Usuqnaghaghmeng Kiyaghnehgllak  
apeghiighutillgha whangkunnun.**

100

## Quyanaghalek Jesus Yugulighistevut

By Alaan Lane Rookok

1

Nagaqughluku yugulighista ilagaghtunga  
ellnganun.

Ellnginaghhiinaan yugulikaqiinkut  
Atanemta Kiyaghnemta.

Chorus

Quyanaghalek, quyanaghalek,  
Jesus yugulighistevut.  
Usuqiteggu, usuqiteggu,  
quulvallelighllagluku.

2

Quyanaghalek yugulighista tuqukaq  
Calvary-mi.

Ellngan

tuunegkaa unguvalleni whangkunnun  
seghleghqestenun.

3

Quyanaghalek Kiyaghneghllagput,  
tuunkaa Ighneni whangkunnun.

Katam tawaten eghqwaaghusaaluku  
whangkuta seghleghqellemnnun.

# 101

## Usuqnaghalek Kiyaghnehllak

By Nutaghregaq Margaret Kingeekuk

1

Usuqnaghalek Kiyaghnehllak.

Usuqnaghalek Ighnegha.

Usuqnaghalek Taghneghakek.

Ukut pingayut usuqsaghqat.

2

Usuqnaghalek Kiyaghnehllak.

Usuqnaghalek Ighnegha.

Usuqnaghalek Taghneghakek.

Ukut pingayut usuqsaghqat.

3

Usuqnaghalek Kiyaghnehllak.

Usuqnaghalek Ighnegha.

Usuqnaghalek Taghneghakek.

Ukut pingayut usuqsaghqat.

Ukut pingayut usuqsaghqat.

# 102

## Neghyukamken

By Akumutaaq Ruthelle Kingeekuk

1

Neghyukamken Ataneq Jesus Christ.  
Neghyukamken Ellnginaghhiinaghpek.  
Esleqngalghii yugulighillghen,  
aangepileghii, itemngalghii.

### Chorus

Neghyukamken Ataneq, neghyukamken.  
Neghyukamken ellnginaghhiinaghpek.  
Neghukamken Ataneq, neghyukamken.  
Neghyukamken ellnginaaghhiinaghpek.

2

Neghyukamken Ataneq Jesus Christ,  
maghyaghquumanginiisqellunga.  
Neghyukamken kayusiitesqellunga  
aghutanga tamaghhaan.

3

Neghyukamken Ataneq Jesus Christ.  
Aghtughyaghqaanghitelleghllagen  
neghyukaqa quunperugllak,  
talwa tamaghhaanun.

4

Neghyukamken Ataneq Jesus Christ.  
Igleghutesqe qaghllunga,  
talwa naantengnugyaghngaaghma.  
Neghyukamken Ataneq Jesus Christ.

# 103

## Usuqnaghaghmeng Ata

By Taqanga Alyne Booshu

### 1

Ataneq sivuksaghqaqaghput.

Ataneq uusqalleghpigaq.

Ataneq unguvallgha tamaghaghllagan.

Usuqnaghaghmeng Atavut.

### 2

Ataneq ipapilleghllaguuq.

Ataneq whangkuta kayutfut.

Ataneq tuunistenga tamaghaghllagan.

Usuqnaghaghmeng Atavut.

### 3

Ataneq nafughtaghllagtuq.

Ataneq piniqelleghllaguuq.

Ataneq nangllegtaghllagtuq tamanganun.

Usuqnaghaghmeng Atavut.

### 4

Ataneq nekegmellghuuq.

Ataneq whangkuta tumevut.

Ataneq aneghnegha tamaghaghllagan.

Usuqnaghaghmeng Atavut.

**Quulvaghteggu Ataneq**

By Akumutaaq Ruthelle Kingeekuk

1

**Quulvaghteggu Ataneq aghhutanga  
tamaghhaan.**

**Quulvaghteggu Ataneq igleghalleghpesigun.  
Quulvaghteggu Ataneq aghhutanga  
tamaghhaan.**

**Quulvaghteggu, quulvaghteggu ellnginaa.  
Quulvaghteggu, quulvaghteggu  
quunperugllak.**

**Quulvaghteggu, quulvaghteggu  
ellnginaghinaa.**

**Quulvaghteggu Ataneq quunperugllak,  
quunperugllak aghhutanga tamaghhaan.**

2

**Oh praise the Lord,  
oh praise His holy Name.**

**Oh praise the Lord,  
oh praise His holy Name.**

**Oh praise the Lord,  
oh praise His holy Name.**

**Oh praise the Lord,  
oh praise His holy Name.**

**Amen, Amen, Amen, Amen, Amen, Amen,  
Amen.**

*Atugheteggu sivuliq verse-a pingayuneng enkaam verse 2  
ataasighaghmeng—Sing verse 1 3 times and verse 2 once*

# 105

## Usuqamken Ataneghllak

By Aghnataaghhaq Inez Campbell

1

Aghhutanga tamaghhaan allangughtuq  
kiyaghleghput taaggun piniqelleghpegun.  
Usuqamken Ataneghllak kelguvikegkevnga  
whaken,  
kenlengilngughmeng piniqelleghmeng.

Chorus

Usuqamken, usuqamken,  
usuqamken Ataneghllak,  
Elpek piniqelleghpenun.

Kitumun alngunak ayuqelghii piniqellhen,  
kenlengilnguq tagikaq Kiyaghneghmeng.

2

Kitumun alngunak ayuqelghii piniqellhen.  
Ukmangilnguq,  
quyanalghii ighsaqumun.  
Ataasimi aghnegrmi  
qerngughullequkut taaggun elpek  
nangllegtalleghpegun.

3

Ataasimi aghnegrmi qerngughullequkut  
pamani saningani kiiwem.  
Tuqungilngughmi, aqniilngughmi,  
qivghungilngughmi, ilagaghllequkut.

**106**

## **Quyanalghii Ataneghpak**

By Agnaga Mary Ann Wongittilin

**1**

Ataneqsa quyanaghta,  
quyastellgha kenlengilnguq.

Quyastellghem ukmangitestii aghneghet.  
Quyanalghii Ataneghpak.

**2**

Ataneqsa igamsiqanaghllak,  
piniqellgha kenlengilnguq.

Piniqaqaa nunam yuga tamaghhaan.  
Quyanalghii Ataneghpak.

**3**

Ataneqsa pinightha,  
pinilghii Penniighniightlya.

Qerngughtaqiinkut penniilghutaminun.  
Quyanalghii Ataneghpak.

**4**

Ataneqsa nangllegtaghta,  
nangllegtallgha kenlengilnguq.

Nangllegtalleghmikun yugulikaqiinkut.  
Ataneqsa quyanaghta. ➔

Ataneqsa quyanaghta,  
quyastelleq qilagmeng kuuvaqaa.  
Imighaqiinkut quyallegħħlagmineng.  
Quyanalghii Atanegħhpak.

## Usuqluku, Usuqluku

By Iquqliq Marie Malewotkak

Usuqluku, usuqluku, aghhutanga,  
 aghhutanga, tamaghhaan,  
 usuqluku.

Yughaghlusi iiwleng ellnganun.

Usuqluku aghhutanga tamaghhaan.

Ighsaqughpesinun kanaghlluku Jesus.

Ipapestaaq kiimsighyaghqaqiisi,  
 avelghaghnaanghitiisi,  
 nangllegtaghllagtuq  
 Kiyaghneghrukutaaghllak.  
 Jesus, kitumun alngunak  
 nangllegtaghllagtuq Jesus.

Usuqluku, usuqluku, aghhutanga,  
 aghhutanga tamaghhaan,  
 usuqluku. Uqpeqegkufsigu qamagurugllak  
 ipapestaaq kiimsighyaghqaqiisi,  
 avelghaghnaanghitiisi.

Kiimsighyaghqaqii elpesi yughasi.  
 Aghhutanga tamaghhaan usuqluku.  
 Usuqluku aghhutanga tamaghhaan.  
 Amen.

# 108

## Tagi, Tagiteklu

By Aqumigalnguq Fred Okomealingok

1

Kina taana meghnulghii  
meghnaaliyahqqaaguq.

Kina taana meqsulghii yuguliyaghqqaaguq.

Chorus

Tagi, tagiteklu kenlengilngughmun.

Tagi, tagiteklu kenlengillngughmun.

2

Iisqaghmiitaqallu liisaqufsigu,  
piniqellghiinaghhamkun kevegyaghqaahtusi.

# 109

## Takukaqa Avangituq Qivghulleghmeng

By Nekgun Alice Kulowiyi

### 1

Takukaqa avangituq qivghulleghmeng,  
seghleliilleghmeng,  
qinuyulleghmeng, aqnighqelleghmeng,  
tuqulleghmeng.

### Chorus

Unguvallgha kenlengituq,  
quyanallgha kenlengituq.  
Nekegteki neghyukillesi ellngakun  
Jesus-kun.

### 2

Jesus Christ avangituq qivghulleghmeng,  
seghleliilleghmeng,  
qinuyulleghmeng, aqnighqelleghmeng,  
tuqulleghmeng.

# **110**

## **Jesus Tagiinga**

By Kalaawyi Albert Kulowiyi

**1**

**Jesus tagiinga, Jesus tagiinga,  
Jesus tagiinga uyavaneng.**

**2**

**Jesus tagiinga, Jesus tagiinga,  
Jesus tagiinga, qelpeghutinga.**

**3**

**Jesus tagiinga, Jesus tagiinga,  
Jesus tagiinga, seghevutinga.**

**4**

**Jesus tagiinga, Jesus tagiinga,  
Jesus tagiinga, ukmangighnga.**

**5**

**Jesus tagiinga, Jesus tagiinga,  
Jesus tagiinga, Amen.**

**111**

## **Tagiyaghqaaguq**

By Yugaaghpak Winfred Matuklook

**1**

**Jesus Christ-am utaqaaten tuqliisqelluni  
ateghmikun.**

**Tuguklighhu qaa ilamni,  
pilleghqiighutfagilgan.**

**Chorus**

**Tagiyaghqaaguq, aa tagillequq whaa  
qantaghaqun.**

**Qiivelta ellnganun yugulisqelluta ilamni.**

**2**

**Yugem Ighnegha allgeqaaguq nunami  
whangkutegetun.**

**Piniqluta aqnighqutkelluta ama mayuqaaguq.**

**3**

**Ukmangightesten enkaam tungsighhu iteghli  
ighsaqughpenun.**

**Enkaam pikan elpekelleqan kumaqan  
ighsaqun.**

**4**

**Yugusin ungelegetkan usuqnaken Ataneq,  
kayagfikngwaaten  
Agleghnalghiigneng Taghneghagneng  
yugusighpenun.**

# 112

## Christ Maketuq

*Christ Arose*

Tr. Nguungaya Edward Gologergen

1

Samani lliveghmi lliluni,  
Jesus yugulighisteka,  
utaqii aghnemghmeng,  
Jesus Atanqa.

Chorus

Taagken lliveghmeng maketuq,  
kayaalqiiguq anguyagmineng;  
maketuq kayaalqaa mamlellghem nenga,  
kiyaghtuq quunpeng ugpeqamini igleghutiiq.  
Maketuq, maketuq, usuqnaghalek,  
Christ maketuq.

2

Temngi kelengakaat llillgha,  
Jesus yugulighisteka,  
temngi qantaghaat tuqullgha,  
Jesus Atanqa.

3

Tuqullghem nuqnenghitaa,  
Jesus yugulighisteka,  
ayemtii sanighyat,  
Jesus Atanqa.

# 113

## Tagitek Ataneghpagllagmun

By Sulughquun Paul Rookok

1

Tagitek Ataneghpagllagmun,  
hallelujah umiilegpak.

Ilagaghtek ulimaghisteghllagmun,  
hallelujah umiilegpak.

Chorus

Tagitek yeqay qerngughutek apeghteggu  
nunamun.

Yeqay nuna qerngughulli,  
ilagaghli Ataneghmun.

2

Tagitek Ataneghpagllagmun,  
hallelujah umiilegpak.

Ilagaghtek quyanaghllagmeng,  
hallelujah umiilegpak.

Chorus

Tagitek yeqay qerngughutek apeghteggu  
nunamun.

Yeqay nuna qerngughulli,  
ilagaghli Ataneghmun.

Tagitek Ataneghpagllagmun.

**114**

## **Nagaqughluku Yugulighista**

By Alaan Lane Rookok

**Nagaqughluku Yugulighista ilagaghtunga  
ellnganun.**

**Usuqnaluku tamaghhaakun ighsaqumkun,  
taghneghamkun.**

**Usuqnaghalek, usuqnaghallek,  
usuqnaghalek Ataneq.**

# 116

## Jesus Whangkuta

By Qavalghaq Wallace Ungwiluk

1

Jesus whangkuta yugulistevut.  
Usuqnaghaghmeng Kiyaghneq.  
Jesus whangkuta yugulistevut.  
Usuqnaghaghmeng Kiyaghneq.

2

Jesus whangkuta nekevghasighput.  
Usuqnaghaghmeng Kiyaghneq.  
Jesus whangkuta nekevghasighput.  
Usuqnaghaghmeng Kiyaghneq.

3

Jesus whangkuta unguvasighput.  
Usuqnaghaghmeng Kiyaghneq.  
Jesus whangkuta unguvasighput.  
Usuqnaghaghmeng Kiyaghneq.

## Piyulgusighnaqaqa Christ

By Akumutaaq Ruthelle Kingeekuk

1

Nakmikellengumaanga maligunnalunga,  
piyulgusighnaluku Christ Atanqa.

Qamaglluku unguvalqa tuunumaaqa  
piyulgusighnaluku Christ Atanqa.

Chorus

Quyamalghii iglehneq tugukaqaqa  
quunperugllak Atanemkun.

Maghyaghqughaa manginiisqellunga iiwleng.  
Jesus maliggnaqamken.

2

Nighughquellelguuqlu quyallelguuqlu  
igleghusimasqellunga piiqngamkun.  
Qamaglluku unguvalqa tuunumaaqa  
piyulgusighnaluku Christ Atanqa.

3

Quyalleqlu piniqelleqlu Jesus-metuk,  
kuukgullghiik Ataneq whangamnun.  
Atanguuten avaqutaqaghpenga  
maghyaghqughnga Ataneq kenlengunaan.

## 118

# Jesus Whanga Nekeggmelqa

By Payana Jane Rookok

### 1

Jesus whanga nekeggmelqa.  
Jesus whanga nekeggmelqa.  
Jesus whanga nekeggmelqa.  
Usuqnaghalek Atavut.

### 2

Jesus whanga piniqelqa.  
Jesus whanga piniqelqa.  
Jesus whanga piniqelqa.  
Usuqnaghalek Ighnegha.

### 3

Jesus whanga quyastelqa.  
Jesus whanga quyastelqa.  
Jesus whanga quyastelqa.  
Usuqnaghalek Taghneghak.  
Amen, amen, amen, amen, amen,  
amen, amen, amen.

**Igamsiqayugvikamken  
Aneghnelighlunga  
Taghtughteslaataqevnga**

By Pangawyi Ivan Pungowiyi

1

Usuqamken, usuqamken Ataneq.

Igamsiqayugvikamken Ataneq.

Taghtughteslaataqevnga aneghnelighlunga,  
igamsiqayugvikamken aneghneghmeng.

Usuqamken, usuqamken Ataneq.

Igamsiqayugvikamken Ataneq.

Usuqamken, usuqamken Ataneq.

Igamsiqayugvikamken Ataneq.

2

Aghnemmillu whani igleghutagtinga,  
aflengakaghtinga, uspequtaghtinga.

Usuqamken, usuqamken Ataneq.

Igamsiqayugvikamken Ataneq.

Usuqamken, usuqamken Ataneq.

Igamsiqayugvikamken Ataneq.

**120**

## **Whanga Akuugunga**

By Ananaanga Ruth Miklahok

**Whanga akuugunga, elpesi avayaagusi.**

Kina taana kiyaghtekumi  
whangamni, whanga ellnganillequnga,  
nagustillequq fruit-meng.  
Tawantuq John fifteen-mi verse five-mi.

**121**

## **Isaiah 41:10**

By Qagughmii Nathan Noongwook

**Alingegpenasi elpesinitunga.**  
**Imiitaagpenasi Kiyaghneqaghpesinga.**  
**Iknaqughsaghlleqamsi, kayusighlleqamsi,**  
**tuguklighlleqamsi aghenqignemneng.**

*Pingayuneng atughteggu  
Repeat 3 times*

## 122

# Jesus Iitghutanganeng Whangamnun

*Since Jesus Came Into My Heart*

Tr. Mikaghaq Elinor Oozeva & Nighugun David Shinen

1

Allaaghlluwhaq allangughtelleq,

unguvallemni apeghiichtuq,

Jesus iitghutanganeng whangamnun.

Nighulguuk taghneghagka kavngarugllak  
ivaqamneng,

Jesus iitghutanganeng whangamnun.

### Chorus

Jesus iitghutanganeng whangamnun.

Jesus iitghutanganeng whangamnun.

Quyalleq taghneghamni meghestun  
tevughaaq,

Jesus iitghutanganeng whangamnun.

2

Aghuliightunga aghulaqaatallemneng,

Jesus iitghutanganeng whangamnun.

seghleghqellelghutenka ughvughaaghumaat,

Jesus iitghutanganeng whangamnun. ■■■

3

Neghyulguunga aghuliilngughmeng  
ipapigmeng,

Jesus iitghutanganeng whangamnun.

Tuumkaghqaqa aagna  
whateghlluwaghughtuq,

Jesus iitghutanganeng whangamnun.

4

Nighulguuq iimnegha tuquullhem  
whangamni,

Jesus iitghutanganeng whangamnun.

Amiga nunam pamum esghaghqaqa,  
Jesus iitghutanganeng whangamnun.

5

Aglaghlequnga, kiyaghlequnga qilagmi,  
Jesus iitghutanganeng whangamnun.

Quyaanga, quyaapigtunga,  
igleghtaangulunga,

Jesus iitghutanganeng whangamnun.

Una ilagaan atuqegkaaguq aapulluni

*Used by permission*

# 123

## Jesus Whangkuta Ilavut

By Papelek Woodrow Malewotkak

### 1

**Jesus is our light, Jesus is our way,  
Jesus is our friend, He truly is.**

**Jesus is our helper,  
Jesus is our guide,  
Jesus is our light,  
Jesus is our way,**

**Jesus is our friend, He truly is.**

### 2

**Jesus nighukaghput, Jesus tuumkaghput,**

**Jesus ilanguuq, ipanguuq.**

**Jesus kayutkaghput,  
Jesus maghyaghqughta,  
Jesus ilanguuq, ipanguuq.**

**Jesus nighukaghput,  
Jesus tuumkaghput,  
Jesus ilanguuq, ipanguuq.**

# 124

## Tumangan Qaquuram Aglaataanga

*The Way of the Cross Leads Home*

Tr. Penapak Estelle Oozevaseuk

1

Aglaghnaaghtunga tumangakun qaquuram,  
tumangituq taananginaq.  
Esghaghnaanghitaqa amiga nighugem  
tumanga anagtekumkun.

Chorus

Tumangan qaquuram aglaataanga,  
tumangan qaquuram aglaataanga.  
Liisaqegka sivutmiichtunga,  
tumangan qaquuram aglaataanga.

2

Aglaghnaaghtunga qaquuramun whangallu,  
Yugulighistem pillghatun.  
Mayughnaqngukuma uusqalleghmun,  
Taghnegham nenganun Kiyaghneghmi.

3

Uninnaqaqa tumanga nunam  
igleghfiknanighnaqaqa.  
Ataneghma piinga, “Tagi ivaghhu neka,”  
utaqiiilghii qelpeghullunga.

Una ilagaan atuqegkaaguq aapulluni  
*Used by permission*

# 125

## Tagitek Jesus-mun

*Come to Jesus*

1

Tagitek Jesus-mun, tagitek Jesus-mun,  
tagitek Jesus-mun maateghhaq;  
maateghhaq tagitek Jesus-mun,  
tagitek Jesus-mun maateghhaq.

2

Yugulilleqiisi, Yugulilleqiisi,  
yugulilleqiisi maateghhaq;  
maateghhaq Yugulilleqiisi,  
yugulilleqiisi maateghhaq.

3

Aghtughyaghqaanghituq,  
aghtughyaghqaanghituq,  
aghtughyaghqaanghituq maateghhaq;  
maateghhaq aghtughyaghqaanghituq,  
aghtughyaghqaanghituq maateghhaq.

4

Piyaghqaaguq, Piyaghqaaguq,  
piyaghqaaguq, maateghhaq;  
maateghhaq piyaghqaaguq,  
piyaghqaaguq maateghhaq.

5

Utaqiiguq, Utaqiiguq, Utaqiiguq maateghhaq;  
maateghhaq Utaqiiguq, Utaqiiguq  
maateghhaq.



6

Nagaqughlleqiisi, nagaqughlleqiisi,  
nagaqughlleqiisi maateghhaq;  
maateghhaq nagaqughlleqiisi,  
nagaqughlleqiisi maateghhaq.

7

Ukmangighlleqiisi, ukmangighlleqiisi,  
ukmangighlleqiisi maateghhaq;  
maateghhaq ukmangighlleqiisi,  
ukmangighlleqiisi maateghhaq.

8

Nutaghaaghllleqiisi, nutaghaaghllleqiisi,  
nutaghaaghllleqiisi maateghhaq;  
maateghhaq nutaghaaghllleqiisi,  
nutaghaaghllleqiisi maateghhaq.

9

Seghevulleqiisi, seghevulleqiisi,  
seghevulleqiisi maateghhaq;  
maateghhaq seghevulleqiisi,  
seghevulleqiisi maateghhaq.

10

Neghyukegkufsigu, neghyukegkufsigu,  
neghyukegkufsigu maateghhaq;  
maateghhaq neghyukegkufsigu,  
neghyukegkufsigu maateghhaq.

# 126

## Aviisaqan

*Had It Not Been*

Tr. Awalqa Rodney Ungwiluk

1

Natentuq Kiyaghneq ivaghiluni qilagmi,  
naalkenghitaa kina angeghqumalghii,  
aangelleghpigaq tukfiisighqaq aklukelghii,  
allgeeghsaghqaa unguvalleq whangkutegnun.  
**Kaay!**

Chorus

Aviisaqan nunaaatgha Mount Calvary,  
ulimallghisaqan suvinalghii qaquuraq;  
aviisaqan yuukaatgha Jesus,  
kenlengunaan taghneghagka iflanayaghtuk.

2

Iwernga quyaanga ellngan meghegkaa  
qayuuusini, yughaghyaghngaaghmi,  
“Ataneq naghughestigu;” Kaay!  
Quyaanga tuqlunghilkangi yaqulget,  
“Nusugteki aqnighnalghiit tuquuqat  
iiggemneng.”  
**Kaay!**

©1965 Siberian Yupik translation  
©1983 First Monday Music (A division of WORD, INC.)  
All rights reserved. International copyright secured.  
*Used by permission.*

# Yataaghqagħput Piitesighaghvik

*We Plow the Fields and Scatter*

Tr. Nguungaya Edward Gologergen

1

Yataaghqagħput piitesighaghvik,  
 pinilghii piisaghqaq nunakun,  
 iwernga nagustellgha, melightullgha,  
 Kiyaghnehem aghtiigalngughqun iiggakun.  
 Anigustaaqiinkut uksumi.  
 Maatneghem nagustaa piisaghqaq,  
 anuqemllu,  
 siqinghuughtelleghemllu, eslallugugħtelleqlu.

Chorus

Tamaghħaghmi tunusaq uvitemnnilnguq  
 tagħiiquq qilagmeng paamken.  
 Igamsiqanaghħalek, igamsiqanaghħalek,  
 tamaghħaghmi piniqellha.

2

Ellnginaaguq ulimaghistenga tamaghħaghmi  
 whaanlenguum, uyavaam.  
 Llivikii tumem saningi piitesighaghmeng.  
 Nighugtaa ighaleqetaagħha ighivgaam.  
 Anuqemllu, qagħimlu qaatkaqqa.  
 Ellngakun qawaaget negħaqut;  
 wata whangkunnun tagħnughhiitni  
 tuunaqqa iiwleng negħyaghqaq. ➤

Igamsiqayugvikamken, kaay Atavut,  
tamaghaghmi nighulghii pinilghii.  
Piitesleqlu, unatalleqlu, kiyaghlleghput  
yugunqeglleghput, neqfutlu.  
Piyukigu tunusaq tuunkaaghput  
piniqelleghpenun.  
Sangwaa elpek piyuksigu qusevegngalghii  
ighsaquughput.

## 128

### Sangafsi Tuqlughingigatsi?

By Papelek Woodrow Malewotkak

#### 1

Sangafsi tuqlughingigatsi whangamnun?

Piyaghqaagunga,  
elpesi quyasqellusi. Sangafsi  
tuqlughingigatsi?

Puygunaanghitunga,  
puygunaanghitunga,  
puygunaanghitamsi elpesi.

Puygunaanghitunga, puygunaanghitunga,  
puygunaanghitamsi elpesi.

#### 2

Sangafsi tuqlughingigatsi whangamnun?

Piyaghqaagunga.  
Puygynaanghitunga,  
puygunaanghitunga,  
puygunaanghitamsi elpesi.

Puygynaanghitunga, puygunaanghitunga,  
puygunaanghitamsi elpesi.

**129**

## **Ataneq Maniguutunga**

By Marvin Kulowiyi

**1**

**Ataneq, Ataneq maniguutunga, Ataneq,  
Ataneq Kiyaghneq.**

**2**

**Ataneq, Ataneq maniguutunga  
iglehutilleghqameng tuuninga.**

**3**

**Ataneq, Ataneq qinuyagutunga  
seghleghqenneghmeng Ataneq.**

**4**

**Ataneq, Ataneq ellnginaalghiiten kayusighnga  
sayugnga seghleghmeng.**

**5**

**Ataneq, Ataneq iteghluten whangamnun  
kiyaghten Ataneq whangamni.**

**6**

**Ataneq, Ataneq seghleghqellghenka  
sangiktig elpenun aaptunga Ataneq. ➔**

7

Ataneq, Ataneq maniguutunga  
seghleghqellghenka iqitiki.

8

Ataneq, Ataneq kayusiqaghqut whangkuta  
seghleghmi maani nunami.

9

Ataneq, Ataneq, quulvaghlu Ata  
igamsiqayugtunga.

## 130

### Igamsiqanaghaghmeng

By Piniitaq John Kulowiyi, Jr.

1

Igamsiqanaghaghmeng usuqnaghaghmeng  
Kiyaghneghmun.

2

Igamsiqanaghaghmeng usuqnaghaghmeng  
Kiyaghneghmun.

3

Igamsiqanaghaghmeng usuqnaghaghmeng  
Kiyaghneghmun.

*Alla maalghugegneng atughteggu  
Repeat 2 more times*

# 131

## Christ-a Ilemngalghii Tunusaa Kiyaghneghem

By Nguungaya Edward Gologergen

### 1

Atanghem Kiyaghneghllamta,  
uspequtkaqiinkut yugusimikun,  
tukfiisghaa tuunaqngamigu yugnun,  
kukragniighutesqelluku  
kiyaghsaghqaaghlemlnnun whangkunnun  
nunamelngughnun, pamani qilagmi.

### 2

Unata neqamikusiq yugusiin tuunellha,  
tawaten neghegkumteggu  
yugusiin qaquurallha ama megluku  
elngan aawa maaqegkaq  
Calvary-mi, kiyaghsaghqaaghtesqelluta  
nunami pinilghiimi.

### 3

Atanghem yugusini tuunaa piniqelleghmikun  
whangkunnun,  
qelpeghusiiluku elngan tuqlulleghminun.  
Whaken nunam  
asighqellghaneng itemutelleghmun  
avangilngughmun seghleghmeng  
Atam piniqellghanun. ➔

**Taanata Bible-et pillhat, tungsighrallgha  
yugmun.**

**Pilleghqiighutfagilgamta Aatghakun qiivelta.  
Neghyunalghiimun kayutmun itemutesqelluta  
whaken aghyuulleghqaghllamnneng,  
whavek quyangalleghmun.**

## 132

### **Jesus-em Quyastaqiinkut**

By PangawyI Ivan Pungowiyi

**Jesus-em quyastaqiinkut  
nagannemteggu uglapigtuq.  
Ighsaqumteggun quyastaqiinkut,  
ighsaquput qelpeghtelteki.  
Quyasleghanun qelpeghtelteki,  
yeqay quyalta quunperugllak.  
Yeqay usuqelteggu Ataneq,  
usuqnaghhalek Ataneghllak.  
Maaten usuqelteggu Ataneq,  
usuqnaghhalek Ataneghllak.  
Usuqnaghhalek Ataneghllak,  
usuqnaghhalek Ataneghllak.**

## 133

### Usuqamken Yugulighisteghllak

By Aqumigalnguq Fred Okomealingok

1

Usuqamken, nagatamken,  
nagaqughamken, ulimaghisteghllak.  
Qelpeghutamken, iteghtestamken,  
kanaghtamken,  
ulimaghisteghllak.

2

Maligtamken, igleghtunga tumegpegun,  
ulimaghisteghllak.  
Aghtughyaghqaanghillhen,  
kayaalqiillghen,  
usuqaqa ulimaghisteghllak.

## 134

### Jesus Ukigumaaq

By Angi Fred Angi

**Jesus ukigumaaq tamaghhaa yugulinaluku.**

**Jesus qaquaamaat  
aawa maaqegkaaguq tamaghhaanun  
neqamikusiiluni.**

**Ilagaghaqitek, maniguutaqitek,  
ilagalleghpesigun Taghneghak  
Agleghnalghiik qungegpesinituk.  
Taawanginaq ighnininqigllegħhaasi  
megħqunllu naayvakunllu.**

**Yughagħaqitek,  
maniguutaqitek Kiyaghnemħun.  
Avutegħqelghaasi seghleghqelleghpesineng,  
seghevusaghħaqqiisi.**

# 135

## Tawansiin Qaquuraatgu Atanqa?

*Were You There When They Crucified My Lord?*

Tr. Mikaghaq Elinor Oozeva & Nighugun David Shinen

1

Tawansiin qaquuraatgu Atanqa?

Tawansiin qaquuraatgu Atanqa?

Kaay...ilangakun ungelegtestaqaaanga,  
ungelegta, ungelegta.

Tawansiin qaquuraatgu Atanqa?

2

Tawansiin tuquqaasatgu uqfigmun?

Tawansiin tuquqaasatgu uqfigmun?

Kaay...ilangakun ungelegtestaqaaanga,  
ungelegta, ungelegta.

Tawansiin tuquqaasatgu uqfigmun?

3

Tawansiin nekegsatgu lliveghmun?

Tawansiin nekegsatgu lliveghmun?

Kaay...ilangakun ungelegtestaqaaanga,  
ungelegta, ungelegta.

Tawansiin nekegsatgu lliveghmun?

4

Tawansiin makesan lliveghmineng?

Tawansiin makesan lliveghmineng?

Kaay...ilangakun ungelegtestaqaaanga,  
ungelegta, ungelegta.

Tawansiin makesan lliveghmineng?

## 136

# Tagitek, Anglegutemni Tagitek

By Wiigha Gloria Kulowiyi

### 1

Jesus tuqlughraghtuq whangkunnun,  
Jesus nangllegesightuq  
whangkunnun,  
Jesus utaqiiguq whangkunneng,  
tagitek, anglegutemni tagitek.

### Chorus

Tagitek, tagitek, tagitek,  
anglegutemni, tagitek.  
Tagitek, tagitek, tagitek,  
anglegutemni, tagitek.

### 2

Usuqnaghaghmeng Ataneq,  
usuqelteggu quunpeng.  
Usuqnaghaghmeng Ataneq,  
usuqelteggu quunperugllak.

137

## Taghnughaghhaq Allgeqaaguq

By Iyaaka Anders Apassingok

1

Taghnughaghhaq allgeqaaguq unugmi  
ataasimi.

Yaqlulget mengwaagtekaqaat eslaghllak  
usuqimeng.

Jesus Christ-a tagikaaguq yugulighistevut.

2

Taghnughaghhaq allgeqaaguq David-em  
nunangani.

Nekeggmelleq allgeqaaguq taghnughaghqun.  
Jesus Christ-a tagikaaguq yugulighistevut.

3

Taghnughaghhaq allgeqaaguq unugmi  
ataasimi.

Sighimalleq allgeqaaguq taghnughaghqun.  
Jesus Christ-a tagikaaguq yugulighistevut.

4

Taghnughaghhaq allgeqaaguq unugmi  
ataasimi.

Piniqelleq allgeqaaguq nunataanun  
tamanganun.

Jesus Christ-a tagikaaguq yugulighistevut.

**138**

## **Tuunaghput Elpek Pin**

Tr. Mikaghaq Elinor Oozeva & Dean Hickox

**1**

**Tuunaghput elpek pin sanguyaghngaan  
tunusaq.**

**Tagivaqan qamaglluku sighthimakutkaqan.**

**2**

**Yeqay tunusaghten megnunaghlit  
whankunnun.**

**Quyastisiqelleghpetun, tuunlaken  
pinillghaneng. Amen.**

**139**

## **Jesus-em Qelpeghtekaqaa Tuma**

By Qigen'gu Gertrude Toolie

**1**

**Jesus-em qelpeghtekaqaa tuma qilagmun  
pamavek whangkunnun  
nunamelngughnun, usuqnaghalek Ataneq.**

**Chorus**

**Usuqnaghaghmeng, usuqnaghalek,  
usuqnaghaghmeng,  
usuqnaghalek Ataneq Jesus Christ. ■■■**

2

Pikaqiinkut igamikun alla tagilleqniluni  
tawaten  
mayulleghmitun qilagwaaghqun.

3

Jesus-em tuqlughraghiinkut sivungani  
tagilleghqami  
apeghiighumasqelluta, liisimaksaghqaaluta.

4

Igamsiqayugnaghllaggaghmeng Jesus-em  
piyaqniilngughmeng unguvallelitkaqiinkut  
quunperugllak kenlengilngughmeng.

Chorus

Usuqnaghaghmeng, usuqnaghahalek,  
usuqnaghaghmeng,  
usuqnaghahalek Ataneq Jesus Christ.  
Ataneq Jesus Christ.

140

**Jesus Tagiinga**

*Jesus I Come*

Tr. Llaagilnguq Victor Campbell

1

Ikfiqumallemneng, qivghullemneng,  
unugmeng, Jesus tagiinga, Jesus tagiinga.  
Ilemngalleghpenun, quyallegmun,  
nighugmun, Jesus tagiinga elpenun. ■■■

Tuquyugngallemneng yugunqeglleghpenun.  
Nuughngallemneng aklungilleghpenun.  
Seghleghqumallemneng katam  
tawavek elpenun,  
Jesus tagiinga elpenun.

2

Kaynguyugngallemneng, nuughhutellemneng,  
Jesus tagiinga, Jesus tagiinga.  
Nighughqelleghpenun, qaquuraghpenun,  
Jesus tagiinga elpenun.  
Qivghungallemneng aghalilleghpenun.  
Anuqliillemneng amsanaghpenun.  
Yakughniillemneng,  
iflangwaaghallelmneng,  
Jesus tagiinga elpenun.

3

Meghnughngaghllallelmneng,  
yukeghqellelmneng,  
Jesus tagiinga, Jesus tagiinga.  
Quyastelleghmun kiyaghsuglunga,  
Jesus tagiinga elpenun.  
Piniqelleghpeni kiyaghgnalunga,  
mayughnalunga ikfqiellelmneng,  
quulvaghnalunga yaqghwakun qawaagem,  
Jesus tagiinga elpenun. ➔

Alingumallemneng llivelleghqamnun,  
 Jesus tagiinga, Jesus tagiinga.  
 Quyanaghllagmun, nighugmun, negpenun,  
 Jesus tagiinga elpenun.  
 Asivaghpang, naafqelleghllagmeng,  
     nekegmelleghmun,  
     amigiiritaghllagpenun.  
 Nighugutngalghii gginan  
 esghaghnaluku, Jesus tagiinga elpenun.

## 141

## Saghiighanaghaghmeng Kayusilleq

*Amazing Grace*

Tr. Amaghalek Beulah Nowpakahok

## 1

Saghiighanaghaghmeng nunanighaghmeng,  
 yugulikii seghleghqestet whangamtun!  
 Iflakayalghiinga maaten naalkaanga,  
 ayakaayalghiinga esghhagtunga.

## 2

Kayusillghem apeghtughanga  
     alingellegqmeng,  
     kayusillghem  
     alingnanighqaanga;  
 megnunaghaghmeng kayusilleq aliilghi  
     ugpeghyuwhaalemni!



3

**Yakughnami, piyaqnamni, negaghami,  
tagilghaghughtungna.**

**Kayusillghem tagitaanga paqnangunaan,  
kayusillghem aglaataanga.**

4

**Ayumiqullelghutni tawantellemni,  
siqineghtun nighugtutkaamta,  
aghneghiinnaanghitukut usuqilleghmeng,  
piinlighyuwhaallemneng.**

5

**Usuqnaghaghmeng Kiyaghneq,  
usuqnaghaghmeng Kiyaghneq,  
usuqnaghaghmeng Kiyaghneq,  
usuqnaghaghmeng!**

**Usuqnaghaghmeng Kiyaghneq,  
usuqnaghaghmeng Kiyaghneq,  
usuqnaghaghmeng Kiyaghneq,  
usuqnaghaghmeng!**

142

## Nagaquumasteggu Pinilghii Ungipaq?

By Qigen'gu Gertrude Toolie

1

Nagaquumasteggu Pinilghii Ungipaq?

Jesus Christ-a Yugulighista,  
mingiteggu tamanganun.

Chorus

Usuqluku iiwleng,  
neghyukluku quunpeghllak.  
Quulvaghluke nani alngunak  
Jesus Christ Ataneq.

2

Piniqelleq tuunkaa elpesinun Atanghem,  
tuunluku ilagpesinun,  
tamaghhaanun nunamun.

3

Upelleq, neghyulleq,  
piniqelleq angelleghpigaq,  
tuunkaa kayagusani,  
qelpeghusiq whangkunnun.

4

Igamsiqayugvikamken whaken ungipameng.  
Elpek kelguviklaataghaghpeng  
piniqelleghllagpegun.      ■■■

**Chorus**

**Usuqamken Ataneq,  
negyuklaken quunpeghllak,  
Quulvaghluten nani alngunak  
Jesus Christ Ataneq.**

**143**

**Yughaghaqunga**

By Papelek Woodrow Malewotkak

**1**

**Yughaghaqunga, yughaghaqunga,  
yughaghaqunga,  
Ataneq ellnginaghpenun. Yughaghaqunga,  
yughaghaqunga, Ataneq.**

**2**

**Neghyukaqamken, neghyukaqamken,  
neghyukaqamken, Ataneq.  
Neghyukaqamken, neghyukagamken,  
neghyukaqamken, Ataneq.**

**3**

**Qelpeghutamken ighsaqumneng,  
qelpeghutamken, Ataneq.  
Qelpeghutamken, qelpeghutamken,  
qelpeghutamken, Ataneq.      **

4

Tuunaqunga qamagtengngwaaghlunga,  
tuunaqunga, Ataneq.

Tuunaqunga, tuunaqunga, tuunaqunga,  
Ataneq.

5

Seghevutinga, seghevutinga,  
seghevutinga, Ataneq.

Seghevutinga, seghevutinga,  
seghevutinga, Ataneq.

6

Quyanaghalek, quyanaghalek,  
quyanaghalek, Ataneq.

Quyanaghalek, quyanaghalek,  
quyanaghalek, Ataneq.

7

Kiimsiqevnga, kiimsiqevnga, kiimsiqevnga,  
Ataneq. Amen.

144

## Kaay Jesus Igamsiqayugvikamken

By Amateka Ellen Baize

1

Igamsiqayugvikamken kelguvikegkevnga  
whaken,

elpek igaqegkaghpeneng whaken.

Igamsiqayugvikamken pinaqellghaagka ➔

qamagllukek.  
Usuqamken, usuqamken, kaay Ataneq.

Chorus

Kaay Jesus, kaay Jesus,  
igamsiqayugvikamken.

2

Ikiwan John paaptaayekaq Jordan-em  
      kiiwan meghakun.

Ellnga Jesus paaptaayekaq Taghneghakun.  
Maligtesqelluni ellmi kelguvikiinkut whaken.  
      Usuqamken, usuqamken, kaay Ataneq.

3

Ighsaqusi qelpeghteki sivungani  
      tagilleghqaan,  
qelpeghteki ighsaqusi maaten.  
      Jesus ellnga nangllegttaghtuq  
      nunataghhaanun tamaghhaanun.  
      Usuqamken, usuqamken, kaay Ataneq.

4

Tagilusi usuqitek pinaqellghaghs  
      qamaglluku.  
      Usuqitek Ataneghmun, usuqitek.  
      Ellngan tunusaqellghanun,  
      usuqitek Ataneghmun. Usuqamken,  
      usuqamken, kaay Ataneq.

## 145

### Jesus Whaantuq

By Emqawyingestaq Shirley Pungowiyi

1

**Jesus whaantuq, Jesus whaantuq,  
igamsiqayugvikamken,  
usuqamken Ataneq.**

2

**Jesus whaantuq, Jesus whaantuq,  
igamsiqayugvikamken,  
usuqamken Ataneq.**

3

**Jesus whaantuq, Jesus whaantuq,  
igamsiqayugvikamken,  
usuqamken Ataneq. Amen.**

## 146

### Kiitiqutkaanga

*Wounded for Me*

Tr. Mikaghaq Elinor Oozeva & Nighugun David Shinen

1

**Kiitiqutkaanga, kiitiqutkaanga,  
qaquurami kiitiqutkaanga;  
seghleghqellghhiitunga, itemunga,  
qayughllak Jesus kiitiqaq whangamnun.**



2

Tuqukegkaqaanga, tuqukegkaqaanga,  
qaquurami tuqukegkaqaanga;  
tuqullghakun yugulilqa esghaghqaqa,  
qayughllak Jesus tuqukaq whangamnun.

3

Maketutkaqaanga, maketutkaqaanga,  
maketuq lliveghmeng,  
maketuq whangamnun.  
Alingnaanghitunga tuqulleghmeng,  
qayughllak Jesus maketkaq whangamnun.

4

Kiyaghtutkaanga, kiyaghtutkaanga,  
pamani qilagmi kiyaghleghhii whangamnun.  
Aghhutanga tamaghhaan yughaatkaanga,  
qayughllak Jesus kiyaghleghhii  
whangamnun.

5

Tagillequq whangamnun,  
tagillequq whangamnun,  
aghneghmi ataasimi tagillequq whangamnun;  
quyallelighlunga gginaa esghaghleqaqa,  
usuqaqaqa, tagillequq whangamnun.

**147**

## **Quyalunga Ilagaghtunga**

By Alaan Lane Rookok

**Quyalunga ilagaghtunga Atanemnun  
yugulighistemnun.**

**Quyalunga ilagaghtunga Atanemnun  
yugulighistemnun.**

**148**

## **Natentuq Pinightukaa Qilak?**

By Aghnataaghhaq Inez Campbell

**1**

**Natentuq pinightutkaa qilak?  
Natentuq pinightutkaa qilak?  
Kaay allaaghlluwhaghllaguuq.  
Natentuq pinightutkaa qilak?**

**2**

**Akequsaa ipaghllaguuq.  
Akequsaa ipaghllaguuq.  
Kaay allaaghlluwhaghllaguuq.  
Akequsaa ipaghllaguuq.** ➔

3

Naten angkaghllagsin Kiyaghneq?

Naten angkaghllagsin Kiyaghneq?

Kaay allaaghlluwhaghllaguuq.

Naten angkaghllagsin Kiyaghneq?

4

Ataneghpagullghen tagiiq.

Ataneghpagullghen tagiiq.

Kaay allaaghlluwhaghllaguuq.

Ataneghpagullghen tagiiq.

5

Kaay nighughqiteggu umiilek.

Kaay nighughqiteggu umiilek.

Kaay allaaghlluwhaghllaguuq.

Kaay nighughqiteggu umiilek.

6

Kaay igamsiqayugtunga.

Kaay igamsiqayugtunga.

Kaay quylaslakunaatghen.

Kaay igamsiqanaghalek.

## 149

### Riigtem Ilungani

*Away In a Manger*

1

Riigtem ilungani qavaghvingunani,  
mekestaaghhaq Lord Jesus qavaqestalghii.  
Ighaleqetaaghet kukegtaat asitmum,  
mekestaaghhaq Lord Jesus  
qavalghii vegaaghmi.

2

Cow-et qalghighluteng taghtughtaat  
taghnughhaq,  
mekestaaghhaq Lord Jesus qiyangigataquq.  
Piniqamken Lord Jesus,  
esghapagaaten asitmum.  
Nayuqinga qayamni unaamun kenlanga.

150

### Piniqelleq Christ-a

By Puughhun Dorothy Waghiji

1

Piniqelleq tuunaa tuqaaqngami Calvary-mi.  
Ukmangitelleghpigaq  
piniqelleghyaggaghneng.  
Piniqelleq itemutiiq tawani qaquerami.  
Unata esgha piniqelleq, Christ-a  
whangkunnun. ➔

**Chorus**

**Megnunalghii piniqelleq,  
qilagtaq piniqelleghllak.  
Qaywa whangkunnun pinguftaa?  
Aa-a aghtughyaghqaanghituq,  
aa-a whangkunnun pinguftuq, usuqnaghalek  
Jesus Christ.**

**2**

**Piniqellghem tagitaanga  
uyavaghllagvagilgama,  
utegħtestaanga tumemneng  
seghleħqelleħtugħħallagħmeng.  
Aghħutanga tamaghhaan  
nanglegsightuq, tuqlugħragħtuq.  
Unata esgha piniqelleq, Christ-a  
whangkunnun.**

**3**

**Piniqellghem qelpegħtekaa,  
amiga qilagħem,  
ukmangi qani iitħġesqelluki  
yataaghqiegħkaminun.  
Liigikaghput piniqelleq qilagtaq pamaken.  
Unata esgha piniqelleq, Christ-a  
whangkunnun.**

## Nighughqelleq Nighughqelleq Usuqnaghalek

By Pangawy i Ivan Pungowiyi

Usuqamken Ataneq whani nekevellemni  
qayughllak elpek whanga  
Atanqegkemken.

Neghyukluku Ataneq igleghalleghpesini.  
Ataneq elpesinitaquq quunperugllak.

Neghyukluku Ataneq kenlanga  
uteghnilleghpesinun.

Usuqnaghalek Ataneq aghhutanga  
tamaghhaan.

Nighughqelleq, nighughqelleq, usuqnaghalek  
Ataneq.

Quyanaghalek, usuqamken Ataneq.  
Yeqay tawatelli,  
yeqay tawatelli,  
yeqay tawatelli,  
yeqay tawatelli.

## 152

### Qilagmi Usuqighllaget

By Akumutaaq Ruthelle Kingeekuk

#### 1

Qilagmi pamani usuqighllaget,  
allanganaghqun aynganangalleghqunllu.  
Usuqiit qilagmi pamani allanganaghqun  
aynganangalleghqunllu.

Whangallutuq pamani usuqilghiinga,  
usuqilghiinga qilagmi.

Whangallutuq pamani usuqilghiinga,  
qilagmi pamani.

#### 2

Qilagmi pamani usuqighllaget,  
allanganaghqun aynganangalleghqunllu.

Qilagmi pamani usuqighllaget,  
allanqinaghqun aynganangalleghqunllu.

Whangallutuq ilagalghiinga,  
whangallutuq usuqilghiinga,  
whangallutuq ilagalghiinga,  
usuqnaghaghmeng Ataneq.

#### 3

Qilagmi pamani akiingqwaghtalghiit  
allanganaghqun iglagkun.

Usuqiit qilagmi pamani allanganaghqun  
iglagkun.



Whangallutuq pamani ilagalghiinga,  
usuqilghiinga qilagmi.

Whangallutuq pamani ilagalghiinga  
qilagmi pamani.

4

Qilagmi pamani akiingqwaghtalghiit  
allanganaghqun iglagkun.

Qilagmi pamani akiingqwaghtalghiit  
allanganaghqun iglagkun.

Whangallutuq ilagalghiinga,  
whangallutuq usuqilghiinga.

Whangallutuq ilagalghiinga,  
usuqnaghaghmeng Ataneq.

## 153

### Piyukellghen Atughhu Ataneq

*Have Thine Own Way, Lord*

Tr. Llaagilnguq Victor Campbell

1

Piyukellghen atughhu Ataneghllak.

Lluufsaghtenguuten qikunguunga,  
nunughraghnga ulimanga piyukelleghpetun.

Utaqiingunga iqunighngaaghma  
aghuliillunga. ➡

2

Piyukellghen atughhu Atanegħllak.  
Ivaghivikinga nangħi iqunga,  
Yuguniiq, whani aghnēgħmi.  
Nighugataghħagħluku anigumeng  
ugħvughnha maaten. Nayuusim alleħġpeni  
quseveg ngaghma qungu ġhtunga.

3

Piyukellghen atughhu Atanegħllak.  
Kiitī ħngagh għaż-  
alingumaghħma, kayus ħngħi yugħaq. Yū  
Aghtugħyagh q-aangħ il-leq qamagħlu kku ipa  
el-pek pik-kan.  
Saaftinga naall-ħgħutinga Yugul iċ-ħista.

4

Piyukellghen atughhu Atanegħllak.  
Tugumi iqigu yugusi qia aagaatal ghii.  
Imiġħu Tagħnejha għ-pen neng kien l-  
ħalli minn-nu  
Christ-nginx haqq whangam nitu q  
kiyaghngal ghii.

154

## Kiyaghnehem Ulimakaqiinkut Pagulangiighhagmeng

By Nekgun Alice Kulowiyi

1

Kiyaghnehem ulimakaqiinkut  
pagulangiighhagmeng nunameng tuguluta.  
Aneghziikaqiinkut aneghneghmineng  
kiyaghngalghiimeng taghneghameng.

Chorus

Quyanaghvalek, quyanaghvalek  
allaaghlluwhaghllak Kiyaghnehem  
apeghiillgha!  
Igamsiqayugelta, usuqeltegg,  
quulvallelighllagluta.

2

Una aneghneghhaq tunusaa whangkunnun,  
atuqeltegg ellngan nighughqellghanun.  
Ungipaqeltegg ellngan aatgha  
Jesus Christ unguvallghuniluku.      ■■■

*Chorus*

Quyanaghalek, quyanaghalek  
allaaghluwhaghllak Kiyaghneghem  
apeghiillgha!  
Igamsiqayugelta, usuqelteggu,  
quulvallelighllagluku.

3

Unguvalleghput piinliqaaguq Christ-akun,  
unguvallgha whangkuta nighukaghput.  
Nighuga kuukgutkaq mamlelleghmun,  
mamlellhem sasaghqaqenghilkanga.

*Chorus*

4

Una nighuga mingisaghqaqaghput  
nunataghhaan yungan.  
Taakusta Bible-et akuzitangi  
kuukgusaghqat yugem ighsaqwhanun.

*Chorus*

## 155

### Jesus Pinighllagtuq

By Numelen Klava Makarova

Jesus pinighllagtuq, nighgutuq,  
nangllegtaghtuq, sivuliiguq,  
Ellnga ellngiinaguuq.

Ivaghluu naalkiteggu, utaqiiguq qilagmi,  
qamnaput nekegllequt yughaqumta.

Jesus Christ pinightuq, Jesus whangamnituq  
qayughllak qamaglluta piniiqinkut.

Iknaqughilequq Aatgha Jesus-em,  
wata piniqulluta kiyaghtekumta whangkuta.

Seghleput mingllilleqii.  
Aqnilghiit piniighllepqii,  
tawaninaq whangkuta yughaqumta.

Jesus pinighllagtuq, nighugtuq,  
nangllegtaghtuq, sivuliiguq,  
Ellnga ellngiinaguuq.

Jesus pinighllagtuq, nighugtuq,  
nangllegtaghtuq, sivuliiguq,  
Ellnga ellngiinaguuq.

156

## Piniqamsi

By Numelen Klava Makarova

Piniqamsi, piniqamsi,  
qamagllusi piniqamsi, piniqamsi.  
Piniqelleq taana Atanghem tunusaqaa  
whangkunnun,  
Piniqulluta qamaglluta.  
Ataasimi, Ighneni tuunumaa piniqulluta  
qamaglluta.

Piniqamsi, piniqamsi,  
qamagllusi piniqamsi, piniqamsi.  
Piniqulluta kiyaghtekumta whangkuta,  
iknaqughillequq Kiyaghneq Ataneq.

Piniqamsi, piniqamsi,  
qamagllusi piniqamsi, piniqamsi.  
Piniqamsi, piniqamsi,  
qamagllusi piniqamsi,  
piniqamsi.

## Aghtughyaghqaanghituten

By Numelen Klava Makarova

1

Aghtughyaghqaanghituten,  
 agtughyaghqaanghituten,  
 agtughyaghqaanghituten Kiyaghneq.  
 Nangllegtaghllagatuten,  
 nangllegtaghllagatuten,  
 nangllegtaghllagatuten Kiyaghneq.

2

Tungsiqumta elpenun Jesus-emaatghakun,  
 taawa pikengellequkut whangkuta.  
 Taawanginaq Kiyaghneghem piniqelleq  
 atughyuga whangkunni ugpeqani yugni.  
 Piniqelleq atuulteggu,  
 atuulteggu qevuulluku qayughllak  
 piniqelleq Kiyaghneghuuq.

3

Usuqamken, quulvaghramken,  
 agtughyaghqaanghituten.  
 Nangllegtaghllagtuten Kiyaghneq.  
 Usuqamken, quulvaghramken,  
 agtughyaghqaanghituten.  
 Nangllegtaghllagtuten Kiyaghneq.

# 158

## Sivuqami

By Numelen Klava Makarova

1

Quyanagh'halek, quyanagh'halek,  
esghaatullghiikut,  
alleluia, alleluia, alleluia, amen!

2

Whanga Sivuqaq, whanga Sivuqaq piniqaqa!  
Maani Sivuqami,  
maani Sivuqami naalkutunga,  
pinighllagmeng Kiyaghneghmeng!

3

Ugpeqat qerngughutaqut, atightughaqut  
Bible-meng liinnaluku Kiyaghneq,  
Ataneq.  
Alleluia, alleluia, alleluia,  
amen!

## 159

### Maligsaghqaaguq

By Numelen Klava Makarova

Malignaluku, malignaluku,  
malignaluku Jesus Christ.

Maligsaghqaaguq, maligsaghqaaguq,  
maligsaghqaaguq Jesus Christ.

Tumanga, tumanga,  
tumanga nighugllaguuq.

Piitesighaat, piitesighaat,  
piitesighaat akulngani,  
kiiwet maaqellequt,  
kiiwet maaqellequt,

kiiwet maaqellequt, megrakegtat.  
Kina meqsukan, kina meqsukan,  
kina meqsukan meghellequq.

Mayughllequkut, mayughllequkut,  
mayughllequkut pamavek.

Mangteghaghllagmun, maghteghaghllagmun,  
mangteghaghllagmun, Ataneq.

Praise the Lord, Praise the Lord,  
Praise the Lord,  
Ataneq.

## 160

# Kayaalqiimaaq Jesus

By Numelen Klava Makarova

Quyalta, quyalta kayaalqimaaq Jesus,  
quyalta, quyalta kayaalqimaaq Jesus.

Nighuga Jesus-em naangnanghituq.  
Piniqellgha Jesus-em naangnanghituq.

Quyalta, quyalta kayaalqimaaq Jesus,  
quyalta, quyalta kayaalqimaaq Jesus.

Piniqellgha, nighuga atuulteggu  
tumanganun Jesus-em tagillequkut.

Quyalta, quyalta kayaalqimaaq Jesus,  
quyalta, quyalta kayaalqimaaq Jesus.

Hallelujah! Kayaalqimaaq Jesus!  
Hallelujah! Kayaalqimaaq Jesus!